

5563.8  
3870


v.2

詩

老雲集  
地

BERKELEY  
LIBRARY  
UNIVERSITY OF  
CALIFORNIA





老雲文集卷之三

詩

晚眺

楊柳低垂竹影橫一林佳氣近三清  
雲從燕子飛邊遠川八袂孫灌處平  
青韞草深還懶睡黃鸝甚熟更多情  
樵歌忽起無人見欲盡其何山有聲

五月初送李生

教英歸鹿洞

澗草恒陽不受枯山居清絕似桃都  
鴉藏綠葉飛初定燕八青霄望欲無  
吾道如今天下掃後生要與意中扶  
憑君拜上溪齋老岐路多端蜀洛湖



夜宿精舍

松篁稍長拓蓬蒿洞府深深俗可逃杖策何妨看藥  
草閉門猶得讀莊騷茶烟乍歇攢長筵菊酒新成壓  
小槽莫道此間無樂事安閑猶勝卯申勞

與際應徂元直打話而歸

故人家在綠芳中到此塵襟半許空十里長洲沙似  
雪一山爽氣雨和風稍存拙法詩無力消去閒愁酒  
有功日夕還歸棲息處伯勞西去燕飛東

曉夢

平生畏約戒淵源不敢先登士友林僻壑何論天下



事陳編要見古人心  
曉牕一枕驚飛蝶  
雲樹千山亂語禽  
始覺工夫無定力  
摩挲老眼更低吟

村居

竹水沿流青草外  
茅廬送老白雲邊  
溪山緬憶非前日  
村巷從遊半少年  
菰圃橫斜終有味  
麥田行過徑生涎  
養鷄種黍甘吾分  
一事無奇史可傳

村居寥朗可支吾  
麥浪平連萬頃湖  
桑樹鷄鳴他自得  
海棠花發爲誰圖  
何處年豐非樂國  
此山人靜是仙區  
老來每恨無同學  
虛譽翻慙有不虞

聞龍潭山水之勝擬欲起亭其上



龍卧清潭剩有餘無人粧點 曾陵初閑雲明月真  
仙窟白石蒼巖似洛書此地應須容客燕空談不若  
飽家猪一亭早晚青空起文酒漁樵共里閭

送子中還舊樓

賢器來遊已動旬知君信息似同隣寒暄以外無餘  
語伯仲之間合濟身無伴猶宜看竹友不耕誰復取  
禾困一經教子真端的玉貌天應不使貧

夕坐

高堂夕坐不詩何興到還如酒半醺遠樹鴉藏翻玉  
葉斜陽倒水漾金波田翁鵲立秧催挿女蛇行蔓



欲撻對此閑人心快活徘徊十遍一呼歌

著詩

著詩常欲讀葩經每度沈吟每度更野草山花閒者  
主風松雨竹自然鳴一身偏向遺編隱隻眼時從傑  
句明文章未必能傳後其奈秋虫尚有聲

野興

學圃躬耕未必非無聊猶勝坐漁磯人人快活當深  
處事事輕便看短衣天下無如農務大當年何意土  
林歸不須將此文相戰與八晴川綠水肥

西牕



宜讀宜眠又可歌一牕松影綠婆娑  
拓時始覺青山近晝後方知白日多  
明月相尋紗似繭急風來拍鼓如鼙  
此間正好幽居趣未必移棲向薜蘿

幽居

近收京洛舊行裝採取幽蘭蒲袖香  
種黍養鷄依本分接梅馴鶴草新方  
逡巡酒欲追韓雅感遇詩成續子昂  
父子讀書具可樂松間紅日抵年長

生薑

根盤肉厚勢如鑄百藥無渠用不全  
煎合蘓蔞能發汗辣同椒桂易爲痊  
通神去穢功難撤開胃消痰性



亦圓康節先生樹上說至今論者尚紛然

卽事

筆硯居西枕簟東喧塵不與世間通綠陰日轉和風  
裏黃鳥時鳴細雨中菜遇無魚方有味詩因忘病始  
知功男兒鬢髮今如許獨賴良心片片紅

擬贈李元叔

敏捷瑰奇氣宇恢明時每恨屈於才三年洛社風霜  
吹百世師門日月迴誠力通神金透石賀書盈案玉  
成堆天教食實根先漑佇見恩光鼎鬲來

此日



此日真可愛清和今已迴一樽山雨過千里杏花開  
病間多閒暇風輕好竭來工夫難繼續努力盡其才  
大病無旬起輕裘四月寒精神收未得書卷動隨看  
朋友平時好身心晚節難眷言思宇宙湫屋亦云安  
偶題

拋却詩盟尚有肩當時王子洛濱年一生浩蕩江湖  
外四月清和楊柳邊始若屠龍兼搏虎終如學佛又  
參禪中原聞說風塵動描向星河一奮然

林寓案上獨有黃石公書一編

青山一畔數椽廬獨有黃公古素書天地神明推與



物帝王成敗捻由渠經綸可太乘時後誦讀須深在  
野初到此男兒能事業鏡中顏髮却慙余

敬次退陶先生韻

十載江湖賦遠遊此身寧拙此心優功名到後方知  
足聲利科中更沒頭廊廟有人須絕望山林無主便  
生愁伊來時閱義文易多笑行藏不自由

短筇

高叅大策未堪居七日呻吟強起初斗屋詩成花落  
後茅簷雨過燕飛餘平生戰兢淵冰若一步經營墻  
垣如惟有短筇便用力慙慙賴爾遶庭除



寓舍東畔有巖特立可仰

山名  
鳳儀

龍巖削立鳳鳴岡高出雲端歲月長香案可通青瑣  
闥仙區不羨紫琳房偏憐花露漙漙碧更看苔顏偃  
蹇蒼此地若成齋數架一山紅綠合流觴

寓中聽鷄

病裏離懷耳漸聾通宵如聞水生風江山寂寞蠅廬  
外天地分明交會中一夢遲遲難假寐千根咄咄只  
書空隣鷄忽送聲三兩快活歡忻孰似翁

贈黃光叔

青春如昨日黃菊又今秋一笑傾樽酒此間意正悠



倚牕終日

屋上層層列好峰  
峰頭點點夕陽紅  
病夫對此堪怡悅  
虛送人間馬耳風

又賦 三五七言

手無危口吟詩白  
日遲遲去和風細  
細吹秀鬢村傭  
同伴宿當驢猶自  
念渠歸

湫齋欲聽琴

律曆元來造化深  
山靈水伯便知心  
魚游鳥仰皆含妙  
鳳翽梧萼各抱音  
南郭高調休說去  
東風和旭快相尋  
平生學得成何事  
空使鄰家束古琴



曉牕獨坐

曉牕神思改微茫霜暈星光天共蒼萬里乘風鴈勢  
遠千家汲月鷄聲長詩成秋興續工甫註讀叅同懷  
伯陽難與兒曹說如許坐來閒爇金絲香

次臨清閣唱酬韻

說向蒼葭玉樹依臨清高閣雨霏微瀛洲學士簪纓  
會平地神仙羽翰飛耕鑿漁樵甘我樂風流文雅似  
君稀人間無限男兒事更望躋攀大範圍

登高韻

清江曲曲可樓臺韻士樽遙到處開王署金門高步



去琪花璇月浪吟來文章拓落同人老天地優閒令  
節回悵悵不須成別恨新詩收取勝啣盃

映湖樓韻

江閣湖樓汗漫遊世間跨鶴有揚州先天虹月高懸  
額大地山河半八眸無限英雄千古感不知詩句七  
分收此來政合風謠采除是玉人任去留

曠感樓

天下悲歌曠感樓將軍遺廟俯寒流當時不盡三分  
恨此地橫吞萬戶州宇宙如今太平世風烟來作等  
閑遊書生亦有英雄膽五月登臨忽欲秋



陶淵松亭

聞說陶淵登古今萬松蒼翠一亭深羣峰束立朝天  
勢飛瀑傾流注海心揆直路向孤僧遠乘興詩如老  
鶴吟鷗鷺不驚生客否山筇容與幾時尋

高山亭

高山亭子小岡坡壁立蒼崖鏡面波此地先生須後  
學當時諸弟視吾家一川風月渾如畫數畝官牆亦  
可歌賢輩登臨興遠羨晚生無計飯成沙

白雲亭

陶淵東畔又芳洲此際羣仙綽約留多事青雲橋上



客何心更向白雲遊

石門亭

江山吾道重天地此亭奇石氣撐玄筋嵐光擁碧帷  
屏傳陶老鉢波盪晉陽危後世難爲迹衡門可樂飢

鳶魚軒

朱公冠蓋白雲鄉獨爲先生飽一觴靜裏鳶魚涵太  
素楣間篆籀類皇倉松連哲丈亭邊老花八詩人句  
上香認是源頭清似許煩君看取濯纓浪

九月十三夜壓弟來宿

岸南逢別更依稀共對胡床綠竹扉鳳鳥丹山棲息

久蒼葭白露歲華微課孫醺子方爲慶挈屋聯襟勿  
復違閑裏無闕天下事從今惟願一家肥

次宋君聖榮韻

講學須要詠歎淫愛君努力日追尋濂翁太極圖書  
義邵子空樓今古心男兒可賀經綸大師友誰從造  
詣深珍重義文誠敬訣乾坤墮廓使人欽 右講學  
工夫要靜靜能安莫把吾心物與干鏡如空處天機  
合花未開時太極圖須識一初宜後素那無九轉可  
成丹吾儒活法非禪寂更向遺編日益親 右養靜  
滿園花開錦繡新東君如惜主人貧獨憐日日增生



色更喜家家共得春香入詩篇頗有味影侵樽酒可  
怡神遊心玩物互存戒約束同人杖履續 右賞花

贈紫盂山人

紫盂秋紅艷未闌神仙家住此中安百年詩酒忘形  
久十里溪山入夢看獨有親朋携短策曾無俗子杖  
高竿即今措置甘於鼎回首公車齒欲酸

斯文

斯文關鍵未專傾白首窮經獎後生朋友隨風趨世  
路工夫無力體天行詩名不羨杜工甫筆法何須張  
伯英但願賣刀買黃犢全家樂道入山耕

雪朝牕暎

自笑先生卧雪中竹椽茅屋起清風  
梁園不復能詞客楚水遙憐獨釣翁  
可愛溫和昇旭日恰如寒苦慰  
林叢終朝炙背當牕坐始信天心本至公

宿毗盧寺

層雲絕壁擁低顛好是奇菴此在前  
快活江山三百里風流詩史二千年  
尋真歷日還忙了送客明朝却  
悵然若解羣仙先識字彌明何必倚牆眠

次尹上舍

一笑翁

近來鷗鷺宿盟寒行到仙區此暫閑  
天下男兒容易



老意中山水自然難逢迎未可經營得風月端宜避  
追看興到孤舟非有約恐教遊騎不知還

### 懷元直

夢罷林廬月在門故人懷抱此三分歸來無伴看黃  
卷悵悵前宵宿白雲傑句應從賢第得名山難與野  
人言清晨整理衣巾坐悔却當時不早勤

### 晝夢

新秋高閣政悠然倚枕看書小做眠一夢無端天下  
走六塵渾欲意中牽從容獻策風雲裏奮迅揮戈日  
月邊萬事陞沈都幻界不妨高掛杖頭錢

夜次杜工甫韻

月動星飛河漢清  
虛堂秋入使人驚  
書帷童學甘同睡  
露草虫聲各自鳴  
屋漏幽居恒有愧  
瓊樓何處更關情  
山巖恍若神仙境  
不必勞勞訪赤城

朱夫子赤城觀韻賦贈丹邱居士壓帛

近來詩思月如清  
夜靜惟聞竹葉鳴  
白鹿書堂遺教在  
丹邱居士羽衣成  
對床風雨蕭蕭送  
入室芝蘭馥馥生  
堪愧此身今已老  
終令天下不知名

早起宿霧蒲山

早起軒牕汎碧空  
村容山色有無中  
迷茫日出渾如



海媚娜烟添細引風門外三千何世界眼前咫尺杳  
瀛蓬此間正合幽居者酒後逍遙興不窮

鳳樓戲賦文體

趁春遊賞上樓頭上樓頭疎似登舟似登舟泛清江  
曲清江曲曲意逗遛意逗遛向煙雲裏烟雲裏遇一  
沙鷗一沙鷗伴青山在青山在處趁春遊

急雨

坐看簾角忽生風山雨飛來輒有功驀地畦塍三分  
碧遠天雲日一邊紅俱張勢若擒龐弩急擊聲如決  
楚雄掃却庚炎容易去老夫無事戲幼同

憶茅丹山僑居

進退格

聖世其何一士寒終朝聽水夕陽還白頭相望傷懷  
易緊盡孤棲歎面難終古恒多猶棄井人間豈有不  
登山頓君莫歎生涯拙勞苦身心更快安

次車五山韻

分明公是列仙班上帝當年召去還賢碩交遊傾一  
世文章藏棄在名山重使孤雲生海外更無賈島在  
人間男兒五十今已老拊卷興嗟不可攀

春晝

雲隨高士每棲山山似親朋莫逆看花露研朱方會



意庭柯垂碧便怡顏雨添竹韻成琴譜風入松濤聽  
玉灘晝永無人翻一夢依然如見舜文間

山居潦雨

雲擁青山水擁扉鷄兒爭啄小蛙歸翻驚竹葉生秋  
韻獨有葵花認日暉書卷消閑當晝宿蜻蜒愁濕近  
簾飛老妻負麥能成飯謀食人間似子稀

寄贈友人

身安不似此心安莫把身心歎險艱寵辱都忘方有  
樂是非相較豈歡顏迎風共卧沙邊柳得句孤吟月  
下山種藥蒔花皆事業擾擾何必出入間

次東詩詠閑

萬樹楓花九月春柴門從此不常關  
秋來碗大能爲富醉後詩成始見真  
慕道襟懷無鬱悵忘機身世自安閒  
神仙不在人間外惟喜山家隔軟塵

靜處無時不太平人間樂事在山城  
落花芳草環三逕明月清風度一生  
隨耦耕耘先吏賦課兒書史繼家聲  
身安更有經營意天下如今士利征

敬次先祖秋思韻

黃花垂老白雲微只爲看山不掩扉  
天下男兒難更少曾中籌策未全非  
一年花事楓爲最萬古塘心月



有輝半世經營名利客愚妻不識製荷衣

閒居卽事

童子生聲誦竹枝聽來堪喜不堪悲  
千里錦帳楓葉後一年樽酒菊花時  
家貧節食還無病客去消閒輒有詩  
五十之年何所慕優遊清福莫如斯

年來山外斷經過野路誰知有正斜  
蒲壁圖書忘味久落花時節得詩多  
謀妻不及蘓團練訓子還慙馬伏波  
依舊重陽風雨感不堪悲悵聽寒鴉

無限詩家各有聲平生欲學陶淵明  
浮雲來向茅簷宿鷄子飛登桑樹鳴  
快鳥去邊天欲近衆峰高處月

先生神仙不在人間外萬事寬心卽蕩平

秋夜次石洲韻

坐對書燈竹影橫問渠功業有何成身無辱處方榮  
貴事不煩時卽太平門外雲山千疊轉心中秋月一  
輪明白頭獨向遺編讀却恐傳訛誤後生

曉起復用前韻

簷星峰月任縱橫曉起山家盡境成遠樹先從紅葉  
辨長煙更與白雲平衣冠拜廟侵晨整書卷當牕待  
日明莫把工夫須倦怠餘年猶少濟南生

百年



百年徒讀帳痕烟，慙愧韓翁手障川。  
學道遲疑成白首，謀生迂濶信青天。  
山林虛老男兒否，宇宙如回氣數然。  
聞說長安招俊乂，乘風欲上廣陵船。

次東詩卷中韻

紅葉山門綠竹扉，自然之畫自然詩。  
客從流水携筇遠，僮掃閑雲舉箒遲。  
老後讀書方有味，靜中觀物本無爲。  
元來不出具高士，堪笑淵明晚覺非。

有思

四海賢豪一見親，當時自負立揚身。  
一天之下皆吾事，三代以前豈別人。  
筆下驚風驟雨夕，鬢邊啼鳥落花春。

花春歸來五十知非日所患悠悠不在貧

閒中偶閱東詩

青山紅樹彩雲輕秋氣橫空玉露清萬卷詩書閑坐  
日一生歌筑古人情青邱諸夏曾同軌白雪陽春尚  
有聲把酒西風成慷慨于今誰復執葵盟

采木綿花

萱蔽呈紅午有聲蘆花被雪夜凝明兼旬老布病初  
起八月輕衫寒欲生村秀攜書來學字老夫聯袂采  
無名此身猶幸張衣帶癡子加冠不識耕

還家



山居幽靜穩心期。澗水西邊一逕微。葉笛遠隨黃犢  
返。茶烟輕與白雲飛。秋來大碗家家飽。醉後新詩句  
句遲。自笑看書成性癖。平生曾不學投棊。

戲題

男兒志業古難成。五十猶希一第名。謾讀詩書驚白  
髮。愧無功力及蒼生。山林不到高車馬。鄉里相逢濁  
酒觥。自笑經營天下事。尋常起敬整襟纓。

出山

故人多在水西東。歡笑相逢掃葦蓬。濁酒黃粱秋熟  
後。遠山紅樹夕陽中。見稀更密親朋誼。歲稔猶存太

古風節屐優遊隨處足元來宇宙自無窮

謹次退陶先生夏日林居二絕

松枝折盡舊疎籬數畝新栽得雨滋  
酒後攜藜原野望眼前無物不神怡

日暖風輕意轉悠病餘堪欲啜紅榴  
新巢燕子蒼茫坐說盡人間歲月流

又次初夏韻

屐麥針秧雨一天原郊物色盡圖然  
今年拙詎兒郎付客裏猶思數畝邊

退溪集中畫幅八絕



叩角初心抱外求南山白石發放謳不知牛口西歸  
日但見戎秦勢闖周

右扣角飯牛

千古傷心讀漢書牧羊誰識有歸歟忠臣畢竟神明  
佑節旄猶存十載餘

右杖節牧羊

先生風節動乾坤一著猶輕抗至尊直向桐江逃物  
色當時巢許不專存

右富春釣魚

山陰竊笑換鵝人時事何如癸丑春重使道經媒鵲  
肉右軍休道出清真

右山陰撥鵝

蹇驢行色太飄飄雪裏尋梅渡灞橋北闕休書未靜  
寂如何逐物更逍遙

右灞橋吟雪

誇傳名勝揜虛無瀑布詩成是丈夫未必銀河千尺落今人爭誦認仙區

右廬山養鹿

舉家深入共棲雲何事兼馴白鹿羣後世遂傳書院號高風千古挹遺芬

右廬山養鹿

西湖處士絕塵緣蕭灑風流伴鶴仙脫俗方能眞界士不須吹笛上青天

右西湖伴鶴

暮春有感

天時人事一番新病我徒然寂寞濱王謝流觴猶未辦其何沂寧詠歸真

撥興



三月風光碧上襟  
此間要識化翁心  
雲飛身過無相  
管生意漸漸着處尋

贈鸞

燕新回處碧生苔  
碧生苔畔歲華催  
歲華催向江南  
客江南客子燕新回

夕陽步出籬邊

支離山日夕陽來  
野外無人送酒盃  
病力不能成健  
步籬邊纔出兩三回

杏溪社次金北壁公韻

杏樹壇邊客路稀  
虛堂聽水向朝暉  
高人壁立千層

上笑却當年有是非

芭蕉

山牕聽雨似江扉  
屋角芭蕉畫暈圍  
一直朝天心立  
處繁華曾不巧  
隨暉

散丹花七月復開

紅葩爭發碧藤羅  
問雨重榮七月何  
鄉恐先生詩料  
拙新梢秋日悞還多

夜話

長安新雨後千里故人情  
南國鄉音遠東膠客鬢明  
平生渾夜話短律欲秋聲  
蘆花非直隱君王不識名



次鳳洲洪箕範

今人有古士一見已交神落落參商別蒼蒼鬢髮新  
黃梁猶入夢滄海尚遺珍鄙吝消將盡逢君又數旬

贈鶴陽柳舜衡

追徵

玉淵亭上月邈邈也馳神太學逢君喜平生感舊新  
古家多種玉聖世久懷琬拾芥非難事梧期又隔旬  
丁巳三月以大山先生墓道立石事會廣興寺

鷓鴣名南服今遊冠一生山從平地出人在半天行

相國銘遺墓

蔡相撰先  
生碣銘

儒賢集古城

山有古  
山城

廣興寺

兩日歸路白雲明

歸路向  
白雲院

土屋

厚壁餘三尺，深窳鑿一門。  
向陽生白日，積土體純坤。  
寂寞非人境，依稀隔水村。  
民生無樂國，於此數年存。

幽居

烟霞生午扉，一半俗緣稀。  
無事恒當案，攝心欲整衣。  
家貧僮僕懶，歲暮菊花知。  
顏氏何男子，安仁久不違。

靜中

書生百計拙，居世更無難。  
節食春餘粟，躬樵夜不寒。  
功名山外遠，詩史境中安。  
但願諸孫健，優遊到老權。

秋夜



秋山風欲雨客子立遲留歲入虫吟轉詩催燭影流  
平生三尺劍天地一虛舟老棄無餘事惟懷教子憂  
送客

送客出山去風淒一逕微秋登呼酒易興倦得詩遲  
丹木留春色蒼嵐曳午暉歸程遙入望橫鴈細如絲

聽鷄

一聲曉夢罷萬想秋雲空爲善吾無力警人雨有功  
神清坐仍靜夜冷牕與通次第羣蒙起寒暄待乃翁  
二月十七日遇雨誦陶先生仲春邁時雨之句  
遂次其韻

茅屋聽晨雨與言坐暗隅竹風蕭蕭動蕉葉娟娟舒  
播麥夏者晚農者歎蒨廬山外無來客盡日成靜居  
几案生爽氣煙霞橫平蕪河洛圖書蘊每讀浩渺如  
向夕

隣落杵聲外楸林鳥噪中松東迷倒影竹上起涼風  
天氣秋光合山容盡意同幽人無異事偃仰若將終  
讀病翁先生鳴箏詩因次其韻

雨過秋聲早山牕爽氣來偶閱鳴箏詩慨然成低徊  
音韻不可聞古今那許催聽箏何耐感讀詩猶與懷  
心期鮮人解文章與世乖聊以暢和平不須事悲哀



素計祗如此蒼顏任自頽  
旣生塵埃裏焉用厭塵埃  
寸心難容變衆情亦宜諧  
醒齷齪徒爲耳達觀均盛衰  
靈禽下韶簫無勞行理媒  
聖朝雅頌作愧余不成才  
朱子大全有題李太白詩小序慨然遂步一篇  
太白何放曠猶幸生中原一粟滄海外無以消六根  
百年多休日千聖遺空言丈夫學未成光陰易駿奔  
寤寐紫陽老單傳針頂門

靜坐

靜坐心機少微吟孤興留  
蕭蕭黃葉下淡淡白雲流  
野老閑如鶴山村小若舟  
家貧兒學懶何以可忘憂

有懷

避俗非爲果居山不必深有時青眼會無苦白頭吟  
泉石終依舊楓花又到今年來殊隱約慙懼二人心  
夢作芭蕉詩

隣家芭蕉葉葉長出籬外外人愛玩同適與余意會

山齋十事 次石洲韻

東岑天與碧明月此中生始吐如斬露方高遍受明  
入花蜂意得涵水鷺眠呈坐對無塵想怡然夜氣清

岩東岑明月

日暮村烟起柔嬌勢異同橫延凝柳岸豈上度松風



視若無餘力行能在遠空明霞更多事疑與較青紅

右松林暮烟

竹窓孤寂日秋雨霏微天隔壁疑琴韻看山似夕煙  
林蟬還息閑松鶴忽驚眠賴此無喧雜怡心對簡編

右竹牕秋雨

燠室坐成冷山村夜雪凝寒聲鳴八竹明氣晶傳燈  
肩上後懸玉厨中食伐冰主人容更肅高跪起霜稜

右山村夜雪

小圃依林樾嘉蔬雜戶庭詩書餘事業妻子共經營  
撥葉筭逾長看花境益清眷言自有樂賓祭供香馨

右小圃露疏

尾樽存古質濁酒共羣賢天下滔滔是胷中浩浩然  
客來互暢叙詩罷可酣眠菲薄易爲繼今秋又有年

右尾尊濁酒

僻處奚童懶衡門躬早開隔牕呼起睡繞屋使捐埃  
夏若門庭濶時便杖屨來落花隨手轉露出碧錢苔

右奚童掃庭

老去無餘事工夫在課兒對案先降氣回首故容貽  
牛耳馴猶讀騶音澁亦音如何李長吉七歲便能詩

右羣兒學字



白首心猶遠黃編手自挈  
奎綵正微妙蠹帙互攢斜  
縱眼看千古低頭濟一家  
此間真有味晚契足生涯

右書史堆案

賓朋時在座此日卽良辰  
逐水多生客看花訪主人  
文章俱奕奕言笑合真真  
葵藿同畱宿箇中意轉親

右親朋在座

秋日

木葉各生聲階苔日益清  
溪山正寥廓神氣自清明  
雲盡鴈流響林疎巖出形  
黃花香滿袖怡悵美人情

喜晴

三五七言

一斗危百篇詩此翁無俗韻  
叢竹自清吹洞裏天晴  
簾額動將雛巢燕逐蛭歸

次南明府

芝寄交體

所懷人在廣陵津  
廣陵津上歲華新  
歲華新入花枝去  
花枝去向所懷人

遇大風雨有感而作

天地爭何兩决雄  
一場聲勢起聾翁  
炮烘萬斛掀全  
軸箭送千艘碎半空  
白日無光逢急雨  
青山有力戰  
狂風落花濕盡吹難動  
待到斜陽點點紅

山居寥寂偶閱陶先生集曰就次和之



停雲

並序

停雲思親友也山阿寂寥書史自娛有懷先  
生感慨千古

停停者雲霖霖者雨我思古人我懷伊阻獨有遺篇  
時時手撫白首蒼顏倚杖延佇

停雲杳靄霖雨冥濛我思古人如隔秋江我吟我詩  
誰共軒牕如可招之褰裳以從

瞻彼石丈無枯無榮我廬其下聊以寄情願言毋怠  
斯邁斯征朝耕夜歸嗟哉蜚生

清泉流澗綠陰交柯牧笛樵歌甘與唱和念彼良朋

忘我實多安得一壺以遊無何

時運

並序

時運遊暮春也時維暮春邈焉沂零點獨何  
人聖曰吾與

冉冉時運藹藹春朝雖無友生曷不遊郊芳草連山  
乳燕橫霄風輕日煖薿薿其苗

清清澗流可飲可濯頽頽林花可嗅可嚼不費不勞  
怡然充足列鼎吹笙焉喻其樂

不有曾點尋常一沂超由赤華堯舜與歸鏗然瑟音  
宛今日揮顧與童冠努力斯追



有琴有書樂我山廬曉起盥手清泉鏡如灌畦抱瓮  
聯牆種壺優哉游哉樂莫我如

榮木 並序

榮木念將老也老大無成小少如昨胡不慥  
慥瞻彼榮木

瞻彼榮木芳華在茲可愛可玩須臾謝之有懷余美  
娟娟幾時日月其逝思汲汲而

瞻彼榮木繁華之根可愛可玩晨夕誰存古人有言  
道義之門名由道傳功由義敦

藐予後生稟何庸陋早事公事投爾依舊學不加進

年不益富靜言思之如有沈痼

緬言吾道耿耿如墜吾道由何要在敬畏力焉馳進  
有如騏驥勿謂其衰尚可及至

贈長沙一篇思道情理尤可涵泳吾宗今有修  
諸事竊有所感

一體而分愈遠愈踈遂爲路人孰念其初邈焉燕越  
無來無徂先祖英靈于何躊躇

友于兄弟爰及同堂愛之重之如圭如璋奄泣風雨  
屢經星霜敢曰不敬前人之光

千里兩忘十年一同邈邈海西遙遙山東何以相贈



白蘋秋江人之易忽最在窮通

各念爾祖我非吾言聊以譜族有美眉山眷焉松楸  
感慨同然我作歌詩與子相先

酬丁柴桑韻

我有嘉客五馬如之清白慈惠柴桑之里愚固民常  
咎自我始

策軒有梅匪我思由一棹宵邁俾無我憂公來載酒  
迨我歇休八表同昏孰與神遊

答龐參軍

並序

余有故人多做好官去異於參軍之來過見

贈

幽幽東谷攜我殘書歲云暮矣孰與子娛松桂與羣  
鹿永與居永懷孔明長嘯草廬

我有良友昔我攸珍布衣葛鞋謂言心親寔飾其佩  
每思古人姬孔之域閭建之隣

之子之子我懷孜孜子有旨酒與我飲之我有清泉  
與子歌詩道之云遠徒勞我思

苟子無合曷恨其分不念厭初糲飯相欣何以贈之  
邈邈停雲欸衿成遼德音或聞

使車東征黃鳥其鳴使車南歸梅雨其零樵人在山



逝矣周京願言年豐饘粥以寧

萬鵲蘭香謏謏林風眷彼新搆經營在中樂哉同人  
敢不敬終先師有訓各勤乃躬

### 勸農

蚩蚩婦子相古先民曠然宇宙有無仙真道義攸歸  
衣食是因靜言孔念農實腴人

腴人伊誰炎皇姬稷炎皇姬稷乃播乃殖亦粵羣聖  
孰無勤穡所貴君子不素其食

翕翕辰風膺膺原陸胥勤載稼室家雖穆寔早無緩  
于時逐逐星駕雨沐宵灌露宿

莫曰儒士躬耕蓋以冀妻亦饁楚隱猶耨高蹈林逋  
安我田畝七月幽風摩孳在手

以養以祀孝子不置甬不我聽我何甬冀貧窶非病  
耻辱隨至我老阻飢甬能無愧

徵士有言夫豈卑鄙匪慕雷貴勉以操履殷伊漢葛  
千古同軌邈焉陳詩有懷余美

### 命子

綿縣我宗肇分同堂金吾仕麗七世彌光嘉靖遇聖  
如摯在商亦粵七葉門戶式昌

顯顯吏部柱史于周慶興之路文明之印實忠實孝



梟桀清流煩寃上訴帝眷東侯

於赫中宗踰濟羣龍雪聞我祖而誰之功瞻寺趾美  
益寧增封文武忠孝世襲蹈踪

有卓文莊喬木揚柯淵源載溯勲盟載羅眷彼峻谷  
戒之在宥與言遠紹有如陶沙

君子有子克紹其德王錫繁馬惠和南國剛明清肅  
其儀不忒光前繼後而可多得

吾家太白介祖伊始漢傳長沙晉士栗里爰有五賢  
穆穆棲止匪慕篠簞世無尹喜

繫我將仕而誰企及匪無綆汲獨也確立爰有賢嗣

從師是急邑人誌孝可歌可泣

氏我高祖抗章何時繼而傳之起我永思爰及仁考  
家風在茲悚予承之厲其庶而

嗟予小子曷其吹火與亦係我替亦在我年迫知非  
世違際可戰戰兢兢常恐虛假

愛汝阿鍾日舐如孩積仁效應行乖禍來汲汲惟恐  
企冀爾才爾才不才余實畏哉

### 歸鳥

歸鳥歸鳥歸于汝林汝林如何蔚彼雲岑雲岑如何  
不見機心林上清風林下清陰



歸鳥歸鳥云胡不飛禾黍離離江樹依依孰尾其飛  
孰過其歸集之如招去之如遺

歸鳥歸鳥誰與徘徊鸞鵲同時鷓鴣亦棲載飛載鳴  
無忤伊諧方彼不羣高孤何懷

歸鳥歸鳥歸亦審條罕有獨柯高有鵲標同侶與宿  
警音時交望之間閒閑中亦勞

形影神

並序

先生之言蓋盡之矣只述其餘意云

形贈影

我生便遇爾相隨今幾時雲龍與風虎未可形容之

動靜不敢欺畏友莫如茲孤燈恒作伴明月每如期  
羨爾能含默愧我多情思對鏡同衰白堪笑不足而  
無情爾何老此事吾所疑悟渠爲吾役遂哉歸來辭  
影答形

以我玄虛質待子同工拙俯仰每隨人宜於高士絕  
高士尚含容松茂栢如悅平生愛光明暗處或相別  
踐之是大人吾道豈不減可離非吾道聞此應慙熱  
終是外面交求心心欲渴爲役不知心那較較優劣

神釋

造化本無迹托物乃昭著天地尚不離人生是誰故



無我徒爲耳軀殼於何附爾輩何有知端恭聽我語  
韻曠從聰明聰明由何處鏗丁亦賴余久得人間住  
養靜方永存靈竈不可數役役固易衰燕安亦虛具  
操存却自修不曾要令譽願言三作朋相循勿相去  
神定形亦定形定影何懼萬變皆由靜靜後且能慮

### 九日閒居

九日年年到每念陶先生風流不可見文章獨有名  
白露侵束淨黃花入眼明孤村靜無友落木細有聲  
不飲還勝飲從容保衰齡

陶詩有日  
促齡之句  
醉

悠然千古思

夕陽籬外傾未必長無酒寒華應復榮采采誰相贈

秋雲薄人情此間真意在何必慕廣成

歸田園居

此身昔未老不辭愛青山善走長安云揚揚學少年  
心游鳳凰池氣騰蛟龍洲風雨一夕至蘧落歸田園  
蓬廬雲樹裏親戚鄉里間禾麥供朝夜妻子坐後前  
清泉多秋韻村閭盡饁烟芝朮生籬隙萼葉上巖顛  
冉冉成晚界非是樂優閑明主雖云棄可呵孟浩然  
貧家寡田地徒然恨衛鞅少年志富貴風塵馳妄想  
白首始歸來奈何追旣往百事皆空疎雖然居任長  
老去滋虛欲經農猶勝廣一日出山睂青青伴草莽



自稱讀書士，迂濶天下稀。菽粟頗能辦，春秋不辭歸。  
明年農節至，願買一簑衣。南阡與北陌，隨人莫相違。  
民性易愚賤，倦怠渠所娛。最見儒家奴，無多安里墟。  
一婢逃而去，一婢隔山居。一傭樵，日夕青松數三株。  
努力供朝餐，人疑午饑如。莫歎無饌味，從他食有餘。  
此間自有樂，一笑看太虛。深溪村間靜，桃源定有無。  
村秀日相尋，從容此山曲。往往逢佳句，風流聊且足。  
非能喜文詞，性不愛碁局。每恐誤後生，耿耿心如燭。  
曉起淨衣巾，紙牕生朝旭。

洞裏稍曠平，縱橫乘竹陌。儒農與並居，耕讀甘自適。

有子不教耕攜書竟昕夕緣渠聚羣蒙老夫勞無隙  
但願學業成勿辭吾爲役箴獲勉耘鋤義鬣勤蚕績  
敬哉聽吾言燕安徒無益

問來使

諸子送汝來恍如看眉目書中多少說不言牕前菊  
晚節殊可尊非獨愛其馥歸報吾耆之江南菰未熟  
遊斜川

久雨山家靜喧擾此暫休緬言陶徵士歌詠斜川游  
隣曲攜酒往歲月逐水流曾城樓臺遠魚貫傍白鷗  
悵望不可到何處是丹丘丹丘多仙子綽約好相儔



香案共列傳崧山互唱酬先生達觀者此輩曾知不  
頽齡菊宜制醉後無餘憂吟詩撫遺卷千載聲氣求

示周祖謝三郎

三郎何許士處士見而欣叔世少賢彥聊與差強人  
術業誠可愛通隱想有因響然鳴飾珮迢迢秋水臻  
講禮君須說論道我曾聞黃唐已云邈荀楊徒賈勤  
願言齊用力追游夫子鄰惟有黃花在獨秀寂寞濱  
東坡讀乞食詩曰淵明得一食至欲以冥謝主  
人哀哉案裁余以爲東坡非知淵明者也翳桑  
之餓尚不會嗟來以淵明之豪放高節豈真有

叩門拙辭之樣以乞會為我盡托意也云爾

想像陶彭澤抗爽無比之至如五斗米常祿不當辭  
猶愧腰一折浩然歸去來戮力豆稼穡頗能供酒盃  
非真有此事托意乞會詩歎息飢寒致易壞英雄才  
可笑東坡子不識冥冥貽

陶詩有貧家依稼穡  
裁力東林隈之句

惡詩楚調

獨生虞夏後此身何藐然緬言黃河水至今一千年  
箕聖沒已久東方士路偏少日治文學到老不事田  
樵牧同山野魚鹽逐市廛逆旅風雲晚時時夢壓眠  
布衣無一長茅廬已三遷我佩伊誰玩悲歌當案前



華野躬耕日孰知天民賢

答龐參軍韻惠李正言

每憶同庚友風流李正言  
馬曹官何似聞說歸田園  
欲寄陽城論還成張翰篇  
想像江湖裏却廬蕭灑然  
一別各千里魚鴈兩忘緣  
平生懷輔義時與夢中宣  
君應垂白髮吾亦結青山  
願言加餐飯無怠度餘年

和戴主簿韻擬贈金使君乃錫

少日頻傾蓋相規意不窮  
玉署飛英去那復顧林中  
奉檄殊爲孝蔡蒼豈詐豐  
故舊無一字遙想起清風  
險道誠難盡令名貴圖終  
爲君呈拙策勗哉保和冲

尚廉民乃畏守身道可隆聖世君已仕望之如華嵩  
連雨獨飲

霖雨連一月八表同昏然水簾生砌凹蜻蜓向簷間  
時有村醪飲飲之如挾仙樂恍忘世事由由見眞天  
竟日憑几索思入羲農先不有知音者雲林共周還  
山外知何許惟願又登年禾稼等穰穰小柔婦人言  
移居

移居白南村八架蓬茅宅嘯詠愛巖泉偃仰聊日夕  
憂無身外憂所畏惟賦役時有黃冠翁促膝並一席  
欣然問桑麻那知談今昔獨慙滿架書微言與誰析



移居自有意爲賦移居詩移居非別意惟意任所之  
野人不思我我無野人思清泉流日日啼鳥聽時時  
仙源何處是淳俗莫如茲工夫定安在吾心難可欺

和劉柴桑韻贈友人

山中無故舊待予久躊躇此懷同鬱結一夕訪幽居  
歲月看雙鬢經綸老一廬落落星斗氣依依烟樹墟  
聰明日漸短治經若荒畬聖賢難可學晨夜不殫劬  
道喪向千載真儒豈永無願言從此去規箴莫相踈  
責善方爲益溢贊而奚須進德非他法常恐不及如

酬劉柴桑韻示諸君

春寒如昨日庚熱已云周差過三兩月相見桂花秋  
農人豈不苦白晝事田疇睡起當大碗此勞吾有不  
所以劬書史不敢娛漫遊

和郭主簿韻賦幽興

雨後堂中坐頽簷尚有陰繞屋草青青微風入吾衿  
樹影漏如蘊巖溜清似琴木枕任高低案書多古今  
閒適莫言過蕭灑令人欽麥飯飢則食山醪隨或斟  
夢到羲皇界詩觀盛唐音從容常緩帶風流時盍簪  
樂處宜存戒須看靜字深

卓哉韓魏公尤難全晚節五十始幽居人情頗識澈



秦越瘠而忘漢魏詩一絕深深偏偏村落落松栢悅  
文章漸老成明友多賢傑力學是榮名藏拙真妙訣  
古人不可見青山生霽月

王拊軍座送客

日出山雨霽客子動遠脚主人曳木屐村外送將歸  
石逕回曲曲雲樹想依依悵望成獨立人間多喜違  
努力加餐飯不須兒女悲書劍成何事鬢髮各生輝  
世路吾已熟林間此棲遲時有東來鴈寄與好音遺  
與殷晉安韻自述

先生百事倦獨於書卷勤愛之如愛色尊之如尊親

文章屬餘事敬義與爲隣從遊今幾許三萬六千晨  
大道不可望微言最難分名利透未得奔走京華春  
歸來卧泉石猶復戀風雲君臣非敢廢行藏與時因  
周公何以富仲尼何以貧平生讀聖賢慙愧白紛人  
贈羊長史韻示諸生

此生聞道晚年來以隱虞所以居閒日不敢廢看書  
諸君時問字才資殊美都嵩華高且大企齊尚可踰  
執策臨萬里整整治堅輿獨徃非可喜同人與之俱  
峻處尤用力辛苦勿躊躇外轡窺日日奔騰猛將如  
胡不慥慥爾明堂久已蕪長驅歸安宅然後有餘娛



煩居求資益從此莫相疎有具方爲用隨時任卷舒

飲酒韻爲賦山居雜興

並序

余居山旣不能常得酒又無陶公逃冥之意

漫賦此

夔龍逢堯舜終古共榮之耕釣非可樂摯姜未遇時  
先生獨何事盛世而在茲自顧才力拙接遲奚復疑  
只爲山間靜身心敬扶持

若總吟

茅茨強數十籬落欲上山世閤稱嘉善兒嬉學巫言  
馳僻多閒日民勤易稔年梨花高百尺曰樹舊名傳

若梨木村

上磴山秀起瞻仰協人情松根優列坐石面可題名  
每值時雨降冉冉雲氣生高大眼更濶平廣神不驚  
衆峰環侍立其尊孰使成

石上磴山

舜文成千古鳳鳥東方飛隱見他自得升沉世可悲  
九臯有鳴鶴強與來相依翱翔天半起休運幾時歸  
峻德人咸仰狂歌莫云衰爲種竹數叢歲暮勿相違

右鳳儀山

此中多靜寂巖泉獨受喧瓶龕集朝夜波及日不偏  
涓涓流日夕終不留雲山紺清猶可愛時時濯髮還  
嗽盥聊且樂果育非敢言

右清泉



石譜古多賢將軍又在是山岳勢共尊風雨磨不毀  
笑若執金吾退然庸玉爾猶有封侯樣苔蘚擁文綺

右將軍石

此山多清淑盤巖鍾靈英體重青山性根深白雲情  
恐煩登俗子言顏勢仄傾緬言孤桐樹鳳鳥可能鳴  
幽人居其下友爾度一生

右盤巖石

洞裏古梨樹蔥蒨有美姿花開香滿谷根深實盈枝  
歲久柯葉老自然高且奇居人猶愛惜因以里名爲  
爲報巡山客摘酸均脫羈

右古梨木

念昔金公宅賓遊日日開琴書閑日月花竹古衿懷

牙讓芳集卷之三

三十一

好笑同人樂流俗不我乖最愛詩家話沉吟一字接  
幾將巴人曲兩忘小帶泥小塘魚游穩深園鳥鳴諧  
雛鳳移巢去平泉八眼迷擬作思舊賦節屐每回回

右金公宅

爰有數間屋蕭灑西岡隅故人洪叔子年老厭名塗  
攜兒入山裏喪亂與之驅甘心養鷄黍相隨推牧餘  
夜來更何業松明照隣居

右洪友宅

村童日挾卷未必能學道百鞭難一步令人髮欲老  
冥行誰得路陽春不柰槁安知庵石裏蘊有光明寶  
鞠躬須盡力有理諸葛表

右課村童



田事日聽汝汝應時其時只與老農議莫向主人辭  
今年風雨順豐兆想在茲濁酒同甘念清陰倦睡疑  
勉勉須盡力勿使甫心欺秋來穰穰熟與汝歌舞之

右戒田奴

時有山外客慇懃到幽境幽境非他好不聞人醉醒  
除却塵中說含意各自領尋竹携筇屐得句戲泓穎  
眷言歌秧杜寸心自炳炳

右待賓客

細雨草芊芊村翁放牛至相逢孤杏陰呼酒時一醉  
簑笠當禮服毛髮成坐次橫坡強半弓登臨便且貴  
天職在此間虞奚曾識味

右細雨坡

小塢在山東青青光繞宅閒人忘曆日看此尋春跡  
草暖花欲燃冬至應過百日久去登臨數莖分明白  
寄語諸冠童光陰真可惜

右識春塢

小少承家訓隨人讀聖經無金可遺子慙愧肅玄成  
世路風雲晚殘篇歲月更氣倦誰與警惆悵步虛庭  
拊卷不能釋秋虫永夜鳴先師有遺訓無聞若為情

右藏書架

新構數間屋屋上多清風拋梁動二載幾時八其中  
只以經綸拙金谷豈無通當年四方志太半負萊弓

右新構屋



新種竹數叢主人夥所得食肉庶可忘烹簞斯近感  
移來不移性矯強那變塞箇箇雲霄姿聲色動傾國  
主人坐清風風靜還成默

右新種竹

學道道未成五十不曾仕不學農工賈所事只持已  
勉將此身心俯仰無愧耻翼翼處閨門恂恂居鄉里  
尊德是功名課兒爲經紀卓哉胡康佚不可謀行止  
日夕對聖賢端訓吾所持

右律已

去聖向千載漂淪失性直所以考亭老釋經而醇醇  
逮我陶夫子文獻又一新願言理餘韻不獨追先秦  
此生未聞道埋頭逐風塵鍾兒年漸長望望情何勤

一言與一動常常念汝親功名尚餘事慎勿趨要津  
秩秩看書史嶄嶄整衣巾努力須百倍到頭卽大人

止酒韻

右戒鍾兕

余觀止酒詩可驗知所止心止名利外身止安靜裏  
晚契止明農至樂止教子酒止微微醉何必止後喜  
有則止歡顏無亦止卧起事事須止至不止非道理  
知止方是安君子止爲己進退不見止除是徒止矣  
勉勉慎舉止道遙止水渌止止復止止奚止于萬祀

曉起



睡醒猶未起，曉氣淨心塘。  
赤蜺旋歸壁，蒼蠅復鬧床。  
三官從此動，一夢復何長。  
念念宜存戒，幾微分聖狂。  
壑弟來。

一筇隨水出山外，道塗危把手談宵。  
夢抽籤讀古詩，共甘新麥飯。  
方宿早鷄時，八月槐花近。  
看君眉宇知，復用前韻送弟還丹谷。

野路塗泥滑，山溪路約危。  
願君少停屐，同我復論詩。  
莫道頻來見，不堪送別時。  
歸家何所事，溫業非不知。  
潦雨連日。

小雲林下起含雨，亦登天野麥能生。  
角皆苔欲上，遙

簷流通鷺渚峽水見漁艖半世江湖願如今似有緣

山堂早起

早起無餘事吟哦對碧山籬花垂露重溪草帶烟寒  
夜氣衿中在閒情句裏歡通來秧雨足田水聽潺湲  
日陰婢子懶厨供尚云逢宿雨低蕉葉長烟護柳條  
麥奴徑野返秧女隔溪招詩友山中去終朝意遽迢

白鷺

白鷺閑無事江天日往還關心在飲啄猶未極清寒

初月

初月極微細不堪當酒夕工夫添夜夜畢竟全輪白



用草堂韻

六月炎初極一年日最長  
勞動民不暇清爽世無方  
老天同襟散竟夕任藤床  
壯志猶千里衰容愧六郎  
賦詩山入輟濯熱水盈觴  
前輩有遺卷乘閑讀數行

憶李氏妹

淑哲吾家妹濶焉此別離  
人情豈不劫世故轉相移  
蘭香今幾曉荆萼本同枝  
浦麥知何許銀絲也更垂

薄暮

記實詩無格清閒客有功  
千家歸燕子一笛聽牛童  
極浦藏煙樹疎簾因雨風  
衆禽何意思飛語鬧林中

書示鍾兒

不復浮雲夢猶存種玉心功名天所定歲月日愈深  
藍出我猶在蓬資人孰禁槐花秋漸近爲汝每沉吟  
乍晴

乍晴猶可喜幽興與雲飛竹牖移山色葵花借日輝  
水風庚欲退村餉午無違新漲收原野農人度夜歸  
偶吟

四海不知名一科亦爲榮此身如許重吾道勿宜輕  
到老心猶壯安貧氣轉清豈無鍾鼎念拙約是真情

雨朝



輝輝遲竹日故故啓松門白羽襄陽里青山獨樂園  
水深波上岸花落藥歸根向晚巢村秀渾忘酬應繁

謾成 三首

一年今已半三夏不移床未必甘幽寂除是畏誕狂  
男兒重出入天地自炎涼蘭杜歲將晚佳人難可忘  
僻處無朋伴詩書也共束飯牛非為祿歌鳳豈其狂  
明日將秋節此心已熒涼故人常在目潦熱若相忘  
風雨蕭蕭夜每憐不對床眼看人盡醉言考我猶狂  
吾輩還難少今年又近涼有詩堪可樂欲辨更如忘

急雨

急雨漲原川衆澗頃刻然人心不可定所恃只仁天

憶鶴浦金乃錫次寄岑參韻

相望不可看迢迢思故舊共老意彌深獨吟詩欲瘦  
懸燈經短宵攤卷度清晝何時海上村而兩月中就  
積雨漸成渾寸膠難可救隔簾韜好山滲屋聽更漏  
邈若阻蓬瀛未堪羣鳥獸工夫無實得歲月坐馳驟  
所以同人懷常如滾滾溜招携掃剡藤約束課村秀  
其味正甘醺一樽又有耐向風立柳邊爽氣動懷袖

散次陶山十八絕

並序

余嘗讀陶山記至於所以消積病豁幽憂而



晏然於窮老之域者舍是將何求矣未嘗不  
三復而歎償也亦嘗以爲積病幽憂治之以  
蓼苓薑桂寬之以絃竹金石有未易以消祛  
開豁者今夫江山魚鳥烟雲風月之勝在於  
神清氣健之時則固可以隨遇玩樂而憂病  
若未易以消且豁對案隔晨抱疑莫質者有  
年矣今年春余以憂病僻寓山間求所以消  
病豁憂而無其方乃出陶山記潛心究玩諷  
詠吟哦以求其何者可以消積病何者可以  
豁幽憂讀其書而誦其詩從頭到尾自朝至

暮今日如是明日又如是則上天下水羽鱗  
飛躍左右翠屏動影涵碧宛然若目擊而身  
入心曠而神怡樞衣巖棲親聽博約淵冰之  
說徘徊玩樂步出幽貞之門滿塘荷花正與  
松菊梅竹紅綠蒼翠欣欣若有情於感遇而  
至若蒙泉冽井庭草澗柳西麓南泠翠微寥  
朗漁磯月汀烟林雪徑鷗渚鶴汀等可歌可  
嘯可樂可賦者不可具狀遂敢就次原韻七  
言五言四言詩合四十四章歷數日而乃成  
其間可謂病少蘇而憂可忘矣復因攜筇簪



提詩彙迤八小白溯洄九曲還過白雲書院  
水石風月眞與陶山相上下而先生之遺躅  
又在在矣余遂留連十許日病蘇而歸歲在  
癸丑清知節下浣後學書于景瀛亭上亭上  
有先生翠寒臺詩又敬次其韻其詩略曰風  
袂不勝寒欲雪虹橋橫斷翠含煙沙入清潭  
苔蝕字如今誰復識先賢

陶冶若成四海安行藏隨遇聖同顏先生不是山林  
想抱道棲遲澗有槃

右陶山書堂

存誠要實散要虛千古傳心貴復初微效巖棲誰識

得師門單訣後生疎

右巖棲軒

玩樂齋中敬義功終身不厭可能通晦翁非是親提  
耳此道元來極處同

右玩樂齋

幽貞不必問著龜樂在江皋掩竹扉觀變玩占斯可  
耳當時何事欲居夷

右幽貞門

風月無邊太極天亭亭馨德更堪憐從來友道須求  
益養得中和不見偏

右淨友塘

四友相看益者三清高不許別人參先生獨與同山  
杜苦節風霜到底諳

右苦節友社

精舍新成揭隴雲標高未必學陶君只是年老朝廷



許歸卧林泉霽潦分

右隴雲精舍

大道其如浩漾何觀瀾尤覺倍興嗟無窮不息丁寧  
意每誦遺辭感發多

右觀瀾軒

學習其如鳥數飛工夫不見或停時明誠未可聲形  
得熟處怡然自開頤

右時習齋

黃鷄綠黍喜留君鳥獸何曾作我羣癡子山家無所  
學莊壇設教竟何云

右止宿寮

隱居接息可耕雲一路中分谷口門箇裏逍遙如有  
得清標難與俗人論

右谷口門

魚躍鸞飛理自然誰將費隱見天淵如今欲識爲人

處細玩河南活潑編

右天淵臺

臺邊雲影共天光  
千古徘徊半畝塘  
緬憶觀書深有  
感源流不盡秋江長

右天光雲影臺

孺子歌中意欲醒  
此身無累此心寧  
金沙玉礫紺寒  
處春服歸來復濯纓

右濯纓潭

盤陀一石便奇形  
繫纜傳觴秋水明  
獨向黃流齊入  
處結根鞏確不曾傾

右盤陀石

來自清涼左翠屏  
山東列岵勢縱橫  
隨江宛轉圍平  
野無限風光眼界生

右東翠屏山

來自靈芝右翠屏  
屏間曲曲可園亭  
江光岳色環清



境風詠歸來似滿袖青

石西翠屏山

芙蓉南望似花形從古相傳表異名天爲陶山環拱  
揖仙區始覺待人成

石芙蓉峰

五言二十六絕又四言

蒙泉

山下出泉易云其蒙君子果育寔曰聖功

蒙泉山下出君子姤初服養正定何居工夫在果育

冽井

爰有石井旣甘且冽不宜棄之白雲爲幕

山間石井冽不會使人惻一飲百慮清千古兩相得

庭草

我愛庭草不種自生主張誰是厥德惟馨

瀛意思妙庭草寓微旨人物自一般不信徒爲耳

澗柳 瞻彼澗柳春風自度陶邵旣遠誰令汝慕  
陶邵向千秋尋常澗柳樹先生獨愛吟微意詩以寓  
菜圃 日涉成趣爰有菜圃可湘可烹孰辛孰苦  
菜圃成措置風味日以滋不能種藍玉聊且養白癡  
花砌 繁彼花砌芳馨粲爛有時目擊其可褻玩  
物物可人意衆芳各天姿偃息山林日繁華又一時  
西麓 隱隱西麓孰與誅茅江山之主麋鹿之交  
西麓合肥遜幽人利亨貞可慨無真隱本不羨公卿  
南泚 南有石泚泚有樾陰可濯可詠于彼蕭森  
南泚生林樾清陰倒碧江無人共游泳白鷺自雙雙



翠微 翠微中虛于彼西東携酒感慨孰無其衷  
翠微又翠微東隴可攜酒酒後成酣歌無勞小垂手  
寥朗 寥朗上空于彼東西既無其際焉有其倪  
寥朗又寥朗西隴起晚霞仙人更安在雲裏是吾家  
釣磯 濯濯釣磯其上清風只取其適廢無其訐  
竹竿風裊裊春水生微溫銀鱗長盈尺歸來月一痕  
月汀 駕彼小艇泛彼明月亦既觀止我心少歇  
浩浩千里月蕭蕭一扁舟所懷人安在叩枻白露秋  
櫟遷 莫謂不材以致壽老有人如櫟是或一道  
江遷通郊野上有千歲櫟世棄渠自好何用園挈百

茶園 莫謂有用以致難保有人如茶易割之道

漆園見成林匠人已訖植有材是為崇其幾孰先知

魚梁 魚梁在江其筭如山逖矣官膳訖知此間

金風動水國玉尺入官供臯比溪間屏以誡邦禁重

漁村 樂土樂土莫如漁村俾無徭役言笑溫溫

恩波十里潤和氣一村多漁唱夕陽動銀鱗喜若梭

煙林 長烟一空邃林千變非雲非雨如畫如綢

長烟勢裊娜光景迷江樹淡淡月如橫蒼蒼日欲暮

雪徑 迤邐銀海晶晶玉徑我思子猷不盡餘興

雪徑勢迢迢緣江一線繞無人誦招隱悵望如華表



鷗渚 樂哉翱翔于彼江干雪衣冰徑望之生寒

風輕任自泛水暖不勝眠意到忽飛去迢迢非俗緣

鶴汀 青田之伴赤壁之夢如何簫笙向風三弄

孤山久寂寞獨立秋江汀何處不宜啄幽人此共停

江寺 江寺荒涼其誰與居道尚空寂室復玄虛

古寺無人到種松已百丈緇徒一以修重興千年賞

官亭 一亭蕭灑萬景微茫行者歌詠驛柳甘棠

小亭江上坡煙雨迷原隰鼓角動時時不禁行旅集

長郊 長郊無際遠樹相依蒼厓黃犢竟日同歸

靜中閑日月郊外杳烟雲禾黍侵晨夜隔林入語聞

遠岵 依依者樹淡淡者雲不盡萬狀如畫七分  
夜讀西山記深慙柳州玲瓏如不遠縹緲定還悠  
土城 屹屹南山額額土城雉堞圯毀自然無爭  
等筭定何時其人不可考水清山夏高休說野青草  
校洞 邈邈校洞前塵杳然遺址不頽古老謾傳  
頽垣餘古杏往事沒高鳥麗季掃遺風眷言思眇眇



老雲文集卷之四

詩

自寓

近歲梨陽學采樵  
秋來桂樹不須招  
芝罘每向吟吭展  
桐尾休從俗耳焦  
少日篠簜猶夢寐  
故人珂馬若雲霄  
男兒事業終身在  
尚傍書牕起早朝

田林朝雨新晴

朝雨田林翠若紗  
故教烟柳矜年華  
村娥蓐食停山菜  
野友簑衣看圃花  
紙帳遲明饒做夢  
土爐吹濕緩烹茶  
經春滯客偏欣霽  
猶及端陽可到家

戲題

鏡裏衰容不自著  
將來事業尚悠悠  
河圖鳳鳥榛苓  
世楓葉荷花桂樹秋  
歲月頭邊應久駐  
英雄眉上本無愁  
工夫進多餘地  
且向書牕莫逗留

歸宿山齋

清趣田園一枕酣  
韭松杞菊足聊堪  
新醅綠釀迎重  
五更伴青燈對二三  
獨有琴書愈逐旅  
恨無鍾磬似  
禪庵軒牕日上猶雷  
軒不羨眠鷗穩碧潭

示諸生

老去情懷似繭絲  
家貧快樂亦云奇  
一春得雨扶衰



力千里看花賴友資高閣相思明月夜諸君休負此  
年時逢場說與平生事無限江山無限詩

書事

山外移家已半年此心猶向白雲邊勞勞逆旅一千  
里略略新詩三百篇大野迷茫浮麥浪小齋清絕起  
茶煙天風五月涼晨夕依舊踈翁不解綿

徐丈

東烈 晬宴韻

多公生長太平年行到花辰鑊鑠然今日衣冠相獻  
賀當時陵谷不曾遷一家鳬藻歡成宴百拜龜籌詠  
八篇隣里小兒翻一喜願邀諸老在樽前

觀漁

白石明沙可察毫打魚奇絕走兒曹  
箴鱗淺隙尾猶動拍手長洲嘯未高  
逐隊環圍獲袖濕談功分獲一場騷  
佳肴政可畱人飲更向鑪頭壓小槽

龍巖柳林與乃錫士聲共賦

一任虛舟縱所如此身常若在江湖  
黃鳥數聲渾別曲蒼崖十丈幻浮圖  
越中吟弄添奇格海上歸來又勝區

乃錫遊越中還  
士聲自寧海歸

衢老南風歌詠足且將編什續

唐虞

書感



妻不登機子不耕全家猶有戀君情功名縱與年光  
去分職尚從士類行晚學誠難追徃哲明時猶幸老  
平生讀書聽鶴論琴外一事餘無入野評

### 懷昔

家勢南來漸線微此身無力可雄飛枯榮有數違先  
訓遊學多年閱世機蕭寺孤燈徒渴睡荆園百戰尚  
餘威叨陞國子猶云幸依舊人間一布衣

### 向夕

牛兒戀母隔林呼睡起牕光隱壁隅風動疎松吹益  
爽鴉藏遠柳密如無鄰娥乞火窺書社野老看秧織

水途而已夕烟連十里娟娟如復到西湖

山居少事幽興自倍

世事多端獨少事人間無事老雲翁心如淥靜清江  
水詩有鴻濛太古風不向農師分菽麥任他村秀長  
麻蓬平生可笑滄浪叟清濁區區辨異同

夜興

清氣虛堂乍欲侵一天明月滿山林旋收煎藥香生  
吻纔罷看書味在心竹影當窓成活畫松聲入座奏  
鳴琴懷民不寐知何處徙倚闌干倍悵悵

溪上



溪上清清映翠微  
此間端合步荷衣  
數家花圃通低  
篳兩片漁厨闢  
小扉芳草連阡  
頻會坐斜陽  
倒水欲  
忘歸白鷗不識  
何情性盡日汀  
洲又月磯

### 江村

平生欲住一江清  
每到汀洲意轉平  
十里蘆花雷月  
色一簑烟雨得  
秋聲銀鱗玉尺  
非難會茅棟竹  
扉亦  
易成聞說龍潭  
山水勝胷中先  
已揭亭名

### 秋望

恠來山氣益蒼蒼  
遙望煙霏更杳茫  
四野霜添多月  
色一天雲盡列  
星行可能收橘  
同千戶堪欲題  
辭續

九章造化生成元似許園容都變若他鄉

盤筍來

白南山址是丹山每度相思夢寐間此夜重逢經劫  
海今年流去似輕瀾酒要老婦纔澆肚語到乳孫可  
解顏聞說盆蕉花共植春來紅綠早應斑

贈別緒南居士

繡老年來隱少微閑居無伴可忘機誰家廬外菊成  
束此日山間草有輝百計經綸難世路一任踈拙足  
書扉悲歌擊劍平生事悵悵將何送轉歸

偈題



天末浮雲箇箇輕忽然興雨忽然晴閒人竟日無餘  
事曠野看山寄遠情新婦能成佳麥飯癡兒頗讀古  
書聲丈夫五十行藏熟只可隨時未必盟

題畫簇子

岳陽樓下水西東楓岸蒼茫簇帆篷巫峽參差雲盡  
處君山浮動月明中一樽鷓鴣聲消斜日短棹漁簑入  
晚風不見少陵吳楚句新詩欲賦意無窮

撿麥晚歸

野居塵念未全清鳩語頻催雨意驚自此提壺千日  
醉如今小鼎百般鳴書翁撿麥還奇事俗客吟詩半

世情溪山無限相逢地待予先登到管城

次杜詩

吟哦無處不風烟  
胸次汪洋萬斛船  
名酒可能遺俗累  
異書疑若得仙緣  
林花自發誰能買  
澗草閒生獨可憐  
未識樵源何似許  
從知楓陛定茫然  
太常每有逢齋日  
司業休勞送酒錢  
但願此身筋力健  
衢歌擊壤度年年

金上舍貞百

度錄

予少時友也每到海上不禁

惆悵回用杜子追酬高蜀州韻以遣懷

歎息斯人難更作  
鷹坊山水久寥落  
追懷少日好相



尋言笑團團如曩昨儀容藹若春雲澹衿宇淨如秋  
天廓賦性自是洛達人舉業休時收略略羞向俗士  
爭馳鶩每嗟直儒今寂寞德隅棲遲一節廬寧爲拙  
鳩耻爲鶚禮園掉頭公卿嚼清灞怡然浩氣存碧燈  
徹夜閑商量其何無力整乾坤畢竟蓮簪同兄弟賀  
書日日東南奔芳蘭忽與寒霜遇老爺課孫空倚門  
浩蕩川城文酒飲無人不復一席尊夕陽不堪成怱  
悵那得梅花共返魂

願晴

一雨支離八表昏明沙碧草浩無痕今宵有月玄雲

上何處無蟬綠樹村天欲一晴如尊輒翁雖多病不  
關門莫教神文頻行雨宋玉徒然惱夢魂

閑中謾吟

一窓溪碧雨聲寒書史當前爲正冠流水響如琴上  
聽青山影似畫中看野蟬貼樹視晴日巢燕將雛弄  
走湍平地閒閒仙境是不須鷄犬羨劉安

日日

可惜男兒送日日不應汗漫人間出却從塲屋早回  
頭偏向書帷堅看膝山齋寂歷似僧舍時有同人問  
字至英材教育稱三築閑居尋幾亦一事伯玉知非



今已晚衛公箴儆年猶遠山林鍾鼎各情性莫把光  
陰虛浪遣教子明農兼讀書栽花種竹賣林居工業  
文章由勿怠莫教容易送居諸

次杜工甫曲江韻

每度看花每度春年年不盡媚遊人樓臺著處頻携  
手詩酒相逢不掩唇舊宅還尋新鷓鴣燕好兒長帶老  
麒麟樂哉三萬六千日事業無窮男子身

草綠花紅半染衣餞春旋復告春歸詩歌亦好無詩  
樂醉日常多不醉稀十里溪山環窈窕一川魚鳥互  
潛飛此生別處渾遊興却怕風光或與違

清明

汀洲冉冉起輕烟如坐春天水上艸白髮紅顏留盡  
醉明眉翠柳弄芳緣青楓鑽燧工何巧粉蝶穿花意  
更憐晉穴無蛇應偈爾漢官傳蠟卻欣然嘉辰除核  
成風俗湄處繁華矜酒錢社友同歡遊日日詩箋漸  
大度年年

暮年接胥水西東世事紛紜耳欲聾獨愛新詩成白  
業偏憐明月送青空鞦韆蹴鞠佳辰遇熟會衝花樂  
意同百尺青樓垂軟柳千官玉珮拜宸楓一年名節  
知無右三月和風自在中歌舞昇平今世界憂愁還



笑草堂翁

璧弟來話

看書盡日眼生花  
煮麥忙朝飯有沙  
未必文章傳野史  
只緣衰老惜年華  
耕耘不怠猶賢弟  
孝友無雙是古家  
苦戀青州無路得  
于今時物羨原叔

酬客

病暑撻牕戴帽寬  
身心日向卷中歡  
誰憐落拓賣牛鋤  
自笑蕭條帶鶻冠  
一膝堅如山岳重  
雙眸明借水晶寒  
雲烟風月無爭物  
天許斯翁次第看

此夕行

此夕常憐此夕徂好將餘日不全孤讀書窮理平生  
事日有一得猶一娛輕薄長安年少子挾彈馳馬投  
梟盧歲月忽忽成老悖庇家資身無所圖君莫笑庸  
氏教子一經願黃金不羨傳千萬

雨後重逢用石洲韻

千首詩筒月欲濃一琴誰復聽牙鍾卷中不識何人  
友天下無如此漢慵習齒可能傳四海蘇睂真羨並  
三峰寔音來自梨陽伴聞說吾亭瀑布峯

日日吟詩尚未濃樽前常欲飲千鍾村居有友難求  
益晚學無師易天慵白鳥斜邊平四野青天低處擎



千峰隔牕絕義詩年少警句題詩筆勢卷

次鹿洞溪齋韻

李微君漢  
膺精舍

太白山深處士廬  
桑麻鷄犬野人如無心肯許雲同  
出有意要看草不除八十窮經成積久尋常卜筮見  
謙虛幽貞獨向溪間隱却怕明時赴鶴書

秋初暢舒

碧天如玉鬢如蓬  
堪笑秋來物色同諸子相尋消永  
夏故人重到起清風  
槐花漸近庭陰裏禾穗爭抽野  
水中日日看書書不盡人間迂濶老雲翁

山客穿林滿袖香  
白雲蒼鷁共登床  
一生相和幾洋

曲七月重歌窈窕章

時閏七月故云

巢燕將雛齊上下籬花

結子半青黃吟詩信口猶堪樂畢竟難為到盛唐

立春敬次退陶先生韻

雪卧林廬喜見春從今無物不維新蒲山花鳥屋成

後甘作清時懷葛民

方營構書

畎畝愚忠祝大同漁樵耕鑿任渠躬有時間曠無餘  
事好把遺經啓吝蒙

次工甫戲為六絕韻

文昌奇格自然成直上開天筆力橫青鶴山深人不  
見仙家誰信說長生



東國詩家次第起梅山石簡互揚休今人續休爭登  
繡始信文章異末流

最是陶翁心學在爲文不欲壓莊騷芻豢菽粟無窮  
味輕薄何曾說此曹

忠孝吾宗說數公當時猶得列羣雄至今寒碧秋江  
月餘韻誰傳百世中

汨沒公車失學人晚來書史買新鄰區區掇拾非真  
得無計重磨鏡面塵

遺金種玉兩無疑厲火情私舍汝誰車輪縱斷傳難  
得願把吾心作信師

聽笛

梅花萬點落續紛紛隨風緩彩雲清賞十分猶未  
盡如今復入曲中聞

解憫

河洛精微未易透春秋筆削獨時中當年若有甘陵  
邵容詎無多說禮翁

先王雅誦是君師千古從誰更質疑稷卨皋夔何福  
力南薰殿上好賡詩

回首登門若夢然幽遙猶得一言傳卽今無聞徒爲  
耳著向檣頭更釣鱗



放翁獨有詩人致，喜把遺編日復吟。  
文藻非真存養法，晴牕只愛合収心。

日哦松館似藍丞，天職年來有剡藤。  
父子讀書差可意，農工商賈百無能。

訪友人家

水北山人不愛詩，獨招碁客說衿期。  
雲翁來坐無聊久，去向晴川理釣絲。

烟波圖

天下無心此釣翁，煙波千里幾人同。  
隨風浩蕩秋三疊，醉酒歸來月一空。  
達舍如斯忘日夜，行裝元不記。

西東平生却怕文王遇，惹起尋常牧野風。

初夏

澗柳垂垂百尺絲，繁陰永日不曾移。  
芳春已逐歸人送，小滿初從野老知。  
黃鳥多情頻警夢，青山無限合題詩。  
平生怕向花前醉，獨愛江南細雨時。

村居樂事

曉牕紅日篆烟清，春睡蒼顏酒暈生。  
初學隣兒誇善誦，滿林啼鳥喜新晴。  
言溫峽俗猶知敬，會飽頑傭不厭耕。  
山外故人來識路，海棠花下小柴荆。

林居春興



一山春事一時新，多笑桃源避秦人。  
雨後偏傳郊外務，樽前無意中人盤。  
登細菜傳纖手，水決鄰塘膾玉鱗。  
從此山翁清晚福，散丹花下老全身。

放翁韻

生平愚拙是良籌，晚契棲遲遠水洲。  
短策相隨三逕月，扁舟不羨五湖秋。  
詩成酒慢堪爲樂，禽語花香亦足遊。  
寄語同人休失笑，經綸全付此間酬。

又次

百拙無成彼一時，歸來脩竹掩疎籬。  
會甘藜藿貧無敵，開盡林花病不知。  
癡子兒生異凡骨，故人書到覓

老雲文集卷之四  
新詩相逢莫說金剛事海上羣仙已有期

官道

城柳春深細若腰衙軒風動峻如橋江山直抵來無盡  
盡負戴爭趨孰有招白日塵喧商客熱青帘花暖酒  
姬驕相逢說與繁華事四月觀燈又詰朝

平生

平生浮泛一孤舟閱盡中間萬斛愁書劍空歸今白  
首文華惟幸古青邱花辰共把三盃酒麥事重逢四  
月秋晚契林泉清福在且將餘日極遨遊

田家



隔浦林居僅數家侵晨去作水西涯無人點檢園蔬  
事小犢成羣齧菜花

山茶

經春來客近山村沉菜登盤爽胃門三斗滌他葷血  
鄙一盃蘇得病情昏性同薑辣還添馥味近菖清欲  
斷魂想得勁香針到骨細莖踈葉雪猶痕

錦城壇

白雲西畔錦官城天地昭然日月明燕趙悲風多曠  
感唐虞遺史獨吞聲瑚纓一夜去無迹寶劍千年時  
出耕想得忠臣心不死壇邊鴨樹也還生

晚起

隔牕啼鳥弄柔妍，除是遊人好占便。  
客裏吟詩坐到夜，病餘謀酒醉成眠。  
曉頭林雨霏霏後，屋角炊煙冉冉前。  
若使還家因懶習，遺編回首更茫然。

逆旅滯雨

溪雨牽風竹葉霏，終朝逆旅見人稀。  
行商直向豐城去，老釋還尋草寺歸。  
九曲難爲粧蠟屐，一簑堪欲坐漁磯。  
誰家好待幽人返，采取芰荷更製衣。

贈草菴老釋

八海求詩不厭深，穿雲學佛亦憐心。  
上方明月蓮華



界隘老藍輿躑躅林四十日經吾可去三千世廣爾  
難尋殷勤先向孤庵送爲報鸞花爛熳吟

野飲

酒中風骨捻英雄野外喧嘩無困窮天下繁華初八  
夜人間迭宿老雲翁羣山四望魚鱗碧滿座相看鶴  
頂紅說與諸郎須及早向來吾輩亦兒童

思歸

後寓草  
卷時

無限春山碧若紗病中強半度年華離巢閱月聽溪  
竹把卷終朝拭霧花斗北星看移柝木釧南詩讀勝  
香茶相逢莫問棲棲久猶及端陽可到家

寄贈風詠樓

短叅如蹇過江扉幾度相思欲把衣  
四十日前龜似縮一千年後鶴應歸  
穿雲遠逐孤僧去攜屐相隨野客圍  
詭與新詩題葉送黃梅疎雨夢依依

憶洪思叔

近謨

老來相憐歲月流思君不見意悠悠  
家居粥飯僧爲樂扶病將何又遠遊

思金君而遠

樂近

一燈呼讀度三餘情誼居多舊日如獨恨  
故人棲眉久恐君長道或躊躇



寄丹邱居士二弟壓

隔江傳說尚依帀一紙飛來萬斛璣  
逆旅支離紅杏雨奇男強半綠簑衣  
君遊華岳遙相送我伴端陽浩  
欲歸寄語從今尤敬慎此身元似太倉微

見米商有感

索米勞勞日轉馳雲南相絕浙東隣  
人間快活年何在天下艱難事可知  
幾處方懸黃面望兩枝多受白  
頭欺歸來好釀端陽酒共把秋千碧柳絲

晨起偶題

家居早起不要更牕影依微入眼明  
敬字初惺瑞巖

睡新詩欲學劍南情三千鬢髮如相待五十男兒不  
識名想得老妻同婦子抱孫喧笑啜菰羹

逍遙

半世難爲學宋朝山居無事足逍遙詩如流水無窮  
出氣亘層霞未盡消白鹿歸來尚黯黯黃鸝啼送不  
寥寥知應一室勤相望好過今旬禁海潮

寓中擬贈諸友

晚學無成浪折肱書牕虛負十年燈心如遠驛回程  
駟身是衰齡退俗僧芳草須尋編楚賦菁莪宜與采  
周陵諸君莫笑龍鍾甚袖裏猶存一尺冰



贈鄭學士伯純

頤德

長安聞說作詩師，高步年來上玉墀。  
出處男兒真重，大風流氣岸每然疑。  
新裁多角遙相望，未老漁簑已  
有期。想得霜靴侵曉去，山牕快睡夢酣時。

送客

四月山溪客路遲，無端西去復東之。  
行隨采藥孤僧後，睡起治畚蓐食時。  
明月常思丁鶴返，殘花如聽子  
規悲。相逢古寺成怱悵，竹葉新題送別詩。

自詠示客

天下難爲做一丞，平生事業只書燈。  
登山玩瀑銀千

蕭瑟廬

尺盡日吟詩墨數升  
壯志蹉跎藏劍筑  
世情經歷去兼稜  
相逢莫歎蓬如雪  
惟有文章畫刻藤

燒香

空青水碧香神方  
烟火人間不足傷  
琴劍詩書星在  
并樓臺花柳月  
蒼茫功名馬耳經  
千劫身世漁竿欲  
兩忘惟有丹心餘  
一寸孤燈清夜坐  
燒香

遊山西村

寂寞山居一氣渾  
家家春酒又鷄豚  
客從螺殼先天  
界人在鴻荒太古村  
先世初栽松樹老  
四隣來坐杏  
花存獨憐燕子顏  
相慣百轉蒼茫語到門



僧房假榻

禪庵聽水似乘船坐客來時尚有鴉蝴蝶夢魂春後  
穩蕉隍身世雨中緣吟詩酷類能言身學佛難如不  
食蟬羸得清閒筋力健區區莫向別人傳

此日

此日羈愁類楚囚強將書卷每寬優鳩頭遍踏名山  
水蟬腹欣迎大麥秋十里思家添白髮一樽乘興到  
青州文章若拙難爲述看處行着耳目謀

哀郢

額額方城漢水長當時楚國以爲強離騷不盡秋蕭

卷之四  
十七  
悲親戚如悲月落蒼巫峽啼猿孤客聽章華舞燕一  
巢藏回頭說與君王後刀尺須人製錦裳

蜀魄聲殘錦峽春行宮無復度珠輪五千里國能盟  
主十八歌章柰謫臣虞帝廟前悲不返賈生篇裏痛  
如新從來多少文章感回首長歌山有榛

### 麥秋

麴價飛騰開酒旗麥田常望倚荆扉蠶腰漸白侵晨  
起雞頂稍紅帶夕歸幾處饅農停野樹高堂畱客對  
山暉厨中少婦娟娟語卽子經春未換衣

### 山寺



曾逢一柄白雲村說與遊人到寺門溪雨初收行綠  
草佛燈高掛過黃昏峰前明月欣生魄牆外寒花欲  
斷魂回首當時來讀處詩籠不見碧紗痕

書事以寓感慨

酒力登潮滿面紅風流不老老雲翁客愁杳若三千  
里詩律新成十二宮畎畝誰知憂國意平生未見及  
人功從來父母徒辛苦胎髮頭邊半已空

睡起

手裏橫斜一卷書通來稍減病工夫水聲高閣翻疑  
信山影踈簾似有無當午低垂柔柳葉向人嚙車小

雞雛乍來不禁茗茶想緩步桐陰曳尾爐

對卷

一春爲客柳垂堤半世看書水帶泥鬢髮衰來心尚  
壯川流東出我猶西平生不厭千年想奔竄相從數  
卷攜禽鳥馴皆能識字丁頭每向百般啼

溪上小樓

雨餘芳草嫩如油溪上風光可一遊初夏黃鸝方悅  
耳前村綠釀足消愁詩因老熟難爲進日抵年長未  
易適我亦有家藏劔筑軒臨蒼鷗起書樓

自笑



自笑平生不自疎，即今舌視如無玉。  
堂金馬功名約，白髮蒼顏聖學圖。  
妻子相看何面目，田園力作大頭顱。  
雖然菽粟終難辦，全付山家好一奴。

二十年間每遠遊，長安回首似並州。  
八登榜眼名傳誦，三侍天顏汗欲流。  
尺宅未甘瓢巷樂，寸心猶向廟堂憂。  
中原聞說起風雨，其柰儒生鬢上秋。

早起書事

少時期待食千鍾，日晚槐陰睡欲濃。  
滿腹噉噉星斗氣，揮毫溫重菰河容。  
十年萬事經營老，一斗千錢放浪慵。  
天下繁華吾亦有，鸞花水竹又風松。

松月上人

絕俗離家奉佛恩  
名山棲息更堪論  
蒼茫說海通三昧  
澹默看雲淨六根  
與我相逢分小塔  
隨君未必入脩門  
今朝不覺成怛悵  
墻角寒梅欲斷魂

墨竹

墨竹移來妙入神  
當時運筆備勤辛  
崢嶸欲上三千尺  
慷慨如逢五百人  
柯節化龍疑兩夜  
琅玕無鳳許王春  
可憐共伴梅花去  
染得緇衣京洛塵

過詠歸樓

亂鴛啼處一川流  
雨後微涼四月秋  
江上如今行過



客雲間依舊有高樓文章禮樂閒商確花鳥溪山暫  
逗遛想得前賢粧點事當時傳說誦吾州

獨遊

約外賓朋皆別人意中魚鳥亦吾身青雲臺上飛瓊  
屐曰雪峰前岸一中風袂輕颺時入句芝眉蕭灑本  
無塵今遊不是諸君隱隨衆恒多誤覓真

晚登望雲

山爲興雲備早年如何輕薄學秋蟬飛颺競逐高風  
去散漫閑隨老釋眠剛怕陰陰橫白日不妨泛泛上  
青天未幾應與蛟龍遇慰滿人間一沛然

此到嘯歌向十千茶鐺慣熟篆香殘人無知我何能  
愠事不如心合在寬閱月拘囚如獄吏上庠稱號似  
僧官猶能蟠腹兼醺醉老去男兒亦足歡

見士倫書

家居不似此來間一事曾無着眼間琴瑟笙簧銀帶  
水雲煙風月畫圖山先生每起聽晨磬諸弟常思到  
遠濟剩得新詩兼日醉煩君且莫夢魂艱

望國

四望無涯一眼公如何回首向西風一千里外書生  
老五百年間霸局雄似許山川元易隔至今弓馬愧



無功霧花未必分明望只把心香獻祝嵩

曉坐

看山受月一牕存曉色迷茫鳥已言病氣漸蘇詩力  
健茶聲爭沸篆香溫高燈花發無風動小磬雲飛不  
瀾翻記取在家晨起處半天蒼鶴舞庭門

快晴

雲影天光穩轉回好將琴酒上樓臺微風鼓吹吟晴  
鳥輕暖鶯治病濕梅潑眼長虹紅亘出齊頭疊嶂翠  
飛來詩人宿崇全消去吸盡蘭陵大斗盃

桃源村

柳暗花明繞翠微  
小橋西畔闌林扉  
一川水濶多萍  
會五月山寒尚  
袂衣耕鑿渾忘  
歌帶力邀遊不  
羨挾  
仙飛夕陽  
杖摩雙眼林  
鳥洲魚各有  
歸

病後遇雨書懷

病後天晴氣與平  
携藜直欲到三清  
無端伏雨行千  
里不念羈牕惱  
一生淖滑未堪  
庭宇步橋沉難  
得故  
鄉聲夜來呼酒  
翻然笑容易秋  
風動石鯨

石崙菴

攜詩一欲去爭雄  
石氣飛騰出半空  
雙眼虛明千里  
鏡孤菴浮在萬  
竅風巖雲入座  
螺鬟碧海日登  
樓馬



島紅閣老清遊餘興致今行收拾錦囊中

觀長安城圖

漢角雄都錯繡斑王城額額峻如山直承箕業諸條  
教回笑松營末葉孱撲地鴻基千歲後半天雉堞五  
雲間平生自笑儒生學擊柝猶難一抱關

秋興

每歲逢秋每悵然遠天疎柳欲消烟悲歌世降燕金  
後傑句人無宋玉先千首詩箇風送葉十年京洛水  
如錢夜來夏好簾間月樽酒樓臺莫我捐

題道人壁

夜久燒香不厭殘松陰鶴去尚餘壇青猿伴宿侵瓊  
煖鐵獺長嘶怕澗寒頭上貂蟬堪入畫鼎中龍虎幾  
成丹茹芝絕粒終無術華頂還羞道士冠

丈人觀

晚來堪欲學初平蹻遍輕霞到赤城蕙帶荷衣生鶴  
髮古松流水聽棋聲五更高燭消塵俗百尺飛橋上  
太清安得仙翁修鍊法一生留此宿虛明

西樓夕望

歷數文章未可窮詩人風致釵南翁如何獨坐西樓  
上無柰高懸北斗中忠義端能恢九幅經綸容易到



三公蕭條未副親征夢虛送君山夜夜鴻

橫溪閣

髻髮臨風一一斜樓臺鼓角作生涯千年未返憐孤  
鶴四野爭聚集衆鴉只恨青天難似蜀還羞白雪互  
歌已聯翩六詔來相望莫道浮雲日影遮

夏日

薄薄苧衫雪似輕松東竹石信風行今朝杜友驚陳  
座何處爐娥唱渭城小酒新詩三籟想亂鶯流水一  
時聲逍遙不是貪閒曠想得騷人異世情

午寢

看書乍倦一肱支竹影橫低篆欲遲童子偷蒸醒後  
覓鷄兒上袂啄時知風騷在手輕還墮水飯齊睂久  
待持夢裏如逢孤鶴語滿庭花暖更吟詩

合江亭

華麗江亭半是京病餘詩律愧長城朱欄魚躍溶溶  
動綠樹鶯啼歷歷生滿座棋收傾大白輕衫花暎見  
新蘋斜陽更向汀洲立何處漁歌忽數聲

雨

初疑遠樹宿煙微恐怕踈簾急電飛聲落荷珠驚午  
枕寒生竹簟覓冬衣曳鼉江客垂垂立逐犢村兒躍



躍歸雲作銀鈴成萬斛一場流動巧相依

幽居晚興

萬點幽花萬點香老夫乘興步微涼門庭閒歇租收  
尺妻子歡傳麥入場酒若有情常浹洽詩能不老漸  
芬芳當時若做名宦去容易經春在他鄉

病起書懷

自許平生傑士風于今憔悴老雲翁鬢毛蕭颯枯藤  
似骨角嶮嶒瘦馬同慷慨猶能息擊筑等閒不欲伴  
歸鴻也識無才多至壽堪爲樗櫟老山中

學敦山道中

當時學射幾人收，勇氣凌憎不解愁。  
百步猿啼窮妙技，千金鳬擲辦奇遊。  
平生自負虎頭相，早晚應封龍額侯。  
麟閣凌烟無姓字，不知何日去揚州。

范待制秋興韻

萬想無端一倍思，晨窓宵枕獨心知。  
病蘓近日收丹壘，夢斷浮雲養白癡。  
臨水登山空悵望，浮家泛宅任棲遲。  
故人不見遙相憶，巫峽猿啼月過湄。

上清閣

高閣登臨快似晴，眞人窟宅在前行。  
尋常覓去多仙境，爛熟年來閱世情。  
半嶺嘯聲頻側聽，小谿名蹟莫遺尋。



輕傾驟驚駕鶴應有術學得何時到赤城

感序

端陽稍近尚春衣古寺深林獨返時天下經營誰復  
爾家中料理自知之乙燈讀字丹藜杖友市傳書碧  
樹枝徃并光陰不相待旅牕猶閱劔南詩

書逆旅壁

客中衣帶漸踈慵自是斯翁久病邛蟬腹還山黃近  
麥芝眉濕雨碧如松一樽欲醉頽墻壁高枕來眠學  
水春想得明朝歸卧處渾忘經歷夢羲農

觀獵

萬里雪晴一逕橫將軍弓馬羽毛輕豪鷹氣銳衝天  
起傑雉飛窮掠地鳴枯草燒時追劇敵懸崖急處辦  
平生男兒肉食終難免快活樽前大斗傾

城上

東頭不見隔西頭古城殘角使人愁一千里外梅軒  
月二百年前杏樹秋麥野尚看上白浪荷池無復起  
朱樓山川巨麗林蔥鬱笑指齊遊九點州

歸田園

經春遊蝶入萼花曉杵縹車開一家鷄子能鳴雞燕  
舉先生蟠腹夏煎茶



筇

陟巖超砒且上臺提携賴爾穩徘徊柔泥信手三踪  
去平地橫腰十字來每向兒童當隅立陪遊長老指  
逕開禿頭脩脰常輕健歷歲周行未可衰

思古人

茹芝絕粒杳丹邱滾滾長思第一流少日徒然思  
驛遺編其柰蘊蚕牛虛牕明月心如見禿櫚秋風事  
可愁似許英雄吳季子當時交盡古人求

東山

一山西畔結廬處十載東風放杖行黃鵠猶能高舉

翻白鷗堪欲更閑盟  
獲眸快活看天濶  
極頂飛騰待月明  
舒嘯當時陶處士  
至今如復有餘聲

野行

躬耕未必不英雄  
半日行尋一眼窮  
幾處牛歌微雨外  
數家魚店落花中  
山從飛鳥行邊出  
天向平蕪盡處空  
短短鳴鵝將欲返  
茅廬松竹起清風

題壁

蠻牋如雪筆如掾  
老來新詩更媚妍  
萬卷經書皆樂地  
一山花鳥自先天  
休書北闕思歸矣  
舒嘯東臯聽劃然  
想得真儒河洛遠  
至今架漏二千年



訪隱士

人間至樂處華堂底事山翁遯野荒鶴睡濃同尾睡  
穩藤花紅映林花黃饒收芋栗經年樂養得芝蘭滿  
室香我亦移家耕谷口不知京洛有宮牆

客思

江山到底卽清遊只恨文章愧柳州幾處酒濃迎五  
日故人書見若三秋謾畱禿叟喧談笑更把新詩細  
校讐閱盡烟波將晚泊一春身世似漁舟

此生

此生半誤漢江舟習氣消來更不愁富貴如雲聞魯

聖圖書近日學浮丘相息一夜梅花月晚契千巖桂  
樹秋但願年豐鷄黍足招攜朋友盡情遊

徐持憲元美

在懋

寄來一箋子

烘炎熱雨動兼旬從此山翁懶檢身一箋寄來沙上  
杞百朋留作袖中珍忽驚白雪開新面却喜青雲有  
故人老欲翻慙無厭得瓊章遙憶逼清真

書懷

綠髮紅顏想杳茫今年添得鬢邊霜行逢仙佛多生  
客惟有鶯花似故鄉林下奇男多將相人間土策在  
耕桑伊來永斷浮雲夢世不忘吾我豈忘



北牕哦詩

酷好江山爛熳遊至今不向嶺東州蓬萊杳若三千  
里鬢髮居然五十秋天可最難逢好友樽前常欲坐  
高樓男兒大戒黎渦在越女經年笑莫留

景瀛亭敬次退溪先生韻

亭前石氣勢騰騫上起高臺更曠然風袂不勝寒欲  
雪虹橋橫斷翠含煙白雲綠樹疑無地碧水丹崖別  
有天沙入清潭苔食字如今誰復續先賢

夜興

屏深氈暖夢酣豆呼燭呌歌覓硯池萬里嘶鴻飛過

後一輪明月正中時  
陂邊白露迢迢遠  
酒半烏巾故  
故欹蠻牋落筆宵如畫  
事業平生半在詩

燕子

生商將楚世家雄  
滿說多端向主翁  
容易蠟蝶爭誕  
殼未幾灰翼欲翔  
空身輕妙質毛先  
黦肉食奇形  
額已紅猶有經營  
萬里志  
啁啁相樂待秋風

蠶家

蚕腰三月漸看清  
枝燭巡尋徹夜明  
七七殷花松帶  
雪  
雙雙變色橘兼橙  
一絲牽若魚頭聚  
全匹睇如鴈  
勢行姑袴翁裘裁  
次葛秋風吹動夏  
多情



鷄

頂花鬢玉有仙風全勝山家老  
喬翁五色輝煌衣錦貴一聲清  
澈喚醒功滿庭兒子隨隨後極  
目稻粱穰穰中飛上衆顙吟永  
夕主人聊與樂年豐

狗

搖尾向人任去畱平生惟有一  
貂裘客來或吠都無事食飽閒  
眠不見愁甘與鷄豚同作隊若  
逢狐兔辦奇遊淮南寂寞昇天  
訣白日何時走玉樓

牛

愚迷未可識西東惟向田園意  
不窮蜀峽黃傳誰送

鑿周闕青出已成空笛聲常伴斜陽小睡意猶濃細  
雨中終歲勤勞饒積等相逢鼻語主人翁

馬

黃金虛擲笑涓人天下那無七尺身千古知音空谷  
士平生得意落花春快男執轡方爲主大道嘶風不  
受塵寄語東都高索價飛龍聲氣自相親

早起感懷

客枕晨牕一夢涼流光冉冉獨淒傷身猶禽舌經春  
澁心與吞絲到老長沽酒借書恒有事茹芝却粒竟  
無方還家想得佳襟恍一任釋孫閒座旁



書齋

藏書養鶴合幽情高結茅廬受遠明  
旋折松枝謀夜讀故栽篁竹待秋聲  
圖書翫理非知術耕鑿資身不爲名  
自有箇中真樂事經年無意向京城

遣懷

僻寓堪懷却自疑只携書卷賴支持  
山如絕壑孤僧處日似長沙謫客時  
伏雨烟沉愁不耐狂風花落歎何爲  
來時籠子懸桁角遽見兒拳欲上籬

清曉

舞鶴峰前曉色微斗牛星外衆辰稀  
竹牕快活迎風

闌芻酒醅濃映燭輝大安還復稷山宿一日遲如三  
歲歸老眼摩挲題數句泉聲清澈欲沾衣

感憤

欲賦登樓憶仲宣西歸誰送下泉篇中原聞說餘三  
省滄海何時注百川天地回頭悲往日男兒獲鬢已  
衰年高歌擊節無家句南漢城邊月正圓

遣興

恨不當年學射雕如今堪欲買魚苗瘦同綠竹能生  
韻語伴黃鸝可忘膠酒氣微微當晝醉茶烟細細向  
風消生涯自足功名外金入籬花桂入樵



秋夜

紅樹環山似赤城神仙不遠老書生心隨高鴈蕭蕭  
遠鬢與疎星箇箇明月影當牕增舊色虫音繞壁各  
新聲讀餘欲睡回燈聽茗藥瀟淪開小鐺

野遊

野人相伴野遊宜溪友田翁雜戲嬉村醴方喧溪樹  
裏秧歌爭唱夕陽時郊原草次芳如毯蹊路桑間細  
若絲京洛緇塵奔走客農家具樂未應知

次鶴老韻

兩地樓臺一水連題詩漂葉似輕便不惟病睡兼長

醉却恐遊塵污盡瓊白首玄經孤燭夜黃鸝綠樹晚  
晴天從來賴有山陰鶴清喚時時警晝眠

戀酒

今春不見酒壺空近日孤遊鵬樹東白雪吟來將薄  
暮黃金用盡獨清風百年自有尋常債一醉何傷五  
十翁想得鄰鱸新釀好倚門相待夕陽中

待友

麥人秧馬半黃蒼川收新漲水淺梁盡意看書虹貫  
月詩愁添病雪加霜翩翩斜燕飛連幕潑潑游魚出  
小塘胡不同來談陸律今秋無患樂穰穰



古孔巖行

孔巖巖上青山麓孔巖巖下索游人芳樹多年成翠  
蓋落花無數自紅塵聞說書堂在此地當時文獻足  
興起堂室軒牕八九架萊麻鷄犬十一里古老零落  
星霜撥至今卽聲舊名存蒼蒼檜樹尚餘種磊磊石  
氣留盤根我令避病來新塾玄鳥綠陰連碧草丹谷  
遺墟莽蒼界黃公古廟逶迤道吾非高尚不事佚近  
世玉帛阻園丘低頭冉冉生白髮天地無窮歲月流  
成大應鍾遠子漢傑見一蛇兩端有頭而無尾  
因擊而埋之云時庚申七月也

有頭原有尾有尾必有頭云有一小蟬如何無尾夏  
添頭蛇者物中之毒一日十逢人縮頭況是毒物中  
之怪物焉能逃形於劍頭楚相孫叔敖擊而埋之原  
之頭昌寧成翰墨世世陰德人讓頭一見打殺除人  
害天必厚報應點頭人說庚申多惡獸爰有一物種  
街頭從今消厄逢吉運老人聞之題卷頭

歲暮懷人爲賦白雪四章

白雪在山北風其于幽人在谷其父在衢俟衾伊大  
侯枕伊長歲聿云暮曷其來遑興也

白雪在塗北風其鏗幽人在林其友在房我琴我撫



我珮我翫歲聿云暮曷其來聚興也

白雪在屋其風在肩幽人在座其友在懸有詩誰和  
有酒誰酬歲聿云暮曷其來遊興也

芭蕉在盆梅花在瓶願言思子其德惟馨席或覲止  
宛如晨醒歲聿云暮從子于屏興也

讀聽松集敬次坡山四言詩

卓乎先生曠世熏沐蔚彼羣賢相與澡濯家傳道學  
又何無憂未由從之邈焉神遊

丹山歸路醉呼浪淘沙一章

春日欲生溫且向芳樽數家殘雪擁江村解道諸君

歸夏早醉興難言

醉興到黃昏誰與攀援共看明月入山門他日相思  
雲水裏魂夢源源

贈金君而遠

君到又新春且與怡神風吹冰壑潔無塵共道家山  
花發後詩興逾新

君去更懷人誰識其真餘香猶有若留茵見說書堂  
蒼竹好焉致其身

閑居無事戲賦木蘭花一章

朝暾出照拓戶懷人空遠眺野渡無波鎮日隨君每



穩過

柰緣春酒醉裏分張  
念別處水詠山遊探贈名花紅

滿頭

水調歌頭二章

閨朱子大全因  
次其歌詞諸章

日夕與同樂紅綠暗相催  
幽情不耐消遣詩軸欲成  
堆案有朱書數卷門對青山  
一片叩友幾時回新燕  
飛簾幕明月上樓臺

一藜杖幾蠟屐百花盃  
逍遙廣漠之野襟宇自恢恢  
盡日高山流水到處落花芳草  
青眼此中開吾黨知  
誰在行樂正時哉

有懷酉峰

字進士楷

記昔與君別歸事使人催白頭  
兩忘千里遙憶落花堆  
一幅陶峰山水萬卷唐人詩  
史心與一天回不附  
青雲士誰掃黃金臺

下南子常愛酒酒盈盃  
無人說與心事此意竟誰恢  
萬里中州人物十載東庠僚  
友衿抱不曾開隔歲無  
來鴈惆悵可言哉

滿江紅賦春興

日暖風輕念故人新詩奇格  
聊載酒殘紅軟綠去尋  
臺閣好鳥鳴春春欲晚瓊  
莎錦石輕輓脚更長歌短



律暢幽情誇行樂

擇勝日攜朋伴過里巷穿林薄喜千家乳燕一川飛  
鶴短策時從雲裏出清樽好與花間約但與君長醉  
不須歸休世屬

和西江月

端看拚歡用平  
聲暖半用上聲

二章為一篇

珍重迎來海上嬋娟更出雲端明明直照此心看坐  
待清牕日暖

對酒常如約信登樓更可躋攀錦筵瑤席此同歡興  
致殊勝一年

江檻詞一章

燕子飛來木葉齊  
鷄兒爭啄菜花低  
夕陽無限江亭裏  
多少繁華漢水西

經白雨起青霓  
長洲一色草萋萋  
濁醪香軟春無事  
短策輕衫日與攜

好事近一章

春晚向清和  
芳草落花嘉木日  
煖風輕筋力健  
携車聽瀑丈夫五十  
識行藏山林亦清福  
四壁圖書三徑  
蘭香滿屋

南歌子一章

春事樂年年  
未必騎驢走日邊  
把酒佇徊成悵望  
故



人去向毗盧萬瀑淵

鬢髮各蒼然日向殘紅軟綠前更有佳人留後約玉壺猶見涓涓酒瀉泉

出山賦西江月一曲

隔戶泉音泔泔滿庭花影團團此身何處不怡安更向松泉之館

盡日丁書自樂晚春山雪猶寒行看軟綠踏紅殘可復呼兒酒換

憶詩友爲賦西江月一曲

屋下清清水意中歷歷詩家故人歸去踏明沙芳

草溪邊誰坐

岸外樵歌牧笛壇邊秀樹孤霞無人相訪路橫斜獨  
自吟哦蕭灑

水調歌頭二章

綠鬢不相見白首堪可憂遙憐天外歸鴈夜夜若爲  
酬悵悵三秋別恨廓落一生懷抱歲晚有誰收奮欲  
乘風去桂棹木蘭舟

一樽酒幾蠟屐兩相謀歸來萬卷書史盡日下簾鉤  
默坐焚香憑几高嘯吟詩題壁牕外世悠悠朱箔天  
涯隔無意向芳洲



次袁機仲韻三章

我珮伊誰翫  
悵望洛陽城  
美人不復思  
我江漢與天  
平紅杏綠楊  
村畔白馬金  
鞭街上一一  
眼中明老去  
風流拙尚戀  
舊時情

南飛鴈西向月  
任縱橫光陰  
冉冉如水白  
首老書生  
猶有孤桐三  
尺更買石田  
數畝野史可  
傳名吾道只  
如此晚學恐  
無成

桂樹秋風晚  
隱約在山城  
浮雲獨與孤  
鳥還往結平  
生粧點石田  
茅廬栽植奇  
花異草中有一  
燈明多事  
滄浪叟清濁  
更關情

老雲文集卷之四 三十七  
蘭香襲梅影倒竹枝橫無人說興懷抱聊且對諸生  
堪欲高歌長嘯有箇清風明月此樂勝功名絕羨秋  
江鳥來往一羣成

極目瀛洲路秋水一筇難遙知松左梅右風月滿衿  
寒白鷺娟娟沙上黃葉蕭蕭村裏清灑此身安更有  
兒孫在嬉戲可堪歡

茶煙歇酒力醒整襟餘箇中自有真樂獨對萬籤書  
粧點一區山水俯仰千秋人物思在本原初相望不  
相見咫尺杳然如

次南歌子張安國韻二章



江閣似樓船靜對清清水底天一片更看明月影千  
秋依舊溶溶散萬川

獨坐撫瑤絃風動梅花點

二字缺

侶悵人懷秋水邊白

鷗飛去汀烟斷復連

隱約在山林千疊明霞百轉金時有尋真塵外客芝  
歌一曲飄飄羽化心

流水奏鳴琴桂樹秋風山更深鳳鳥河圖何世界荷  
衣蕙帶悠悠太古音

次直梅詞韻

世間難得見眞梅半是粧紅掩白寂寞黃菊耐標格

獨有意中詞客淡若春溫清似竹立潔潔緇塵隔留  
香滿座不須更向冰雪

回笑粲粲江南萬玉家肯辭窺蜂偷蝶何似孫山翁  
晚棹一任西湖明月瘦骨愈奇芳馨不斷竟歲無時  
歇有味其實勿更輕許攀折

和西江月

千里烟波渺渺二更花影團團西江一片月生寒醉  
後逍遙別館

今夜有詩自好此身無累常安丁東玉漏數聲殘不  
識星移物換



次江檻詞

紅蓼白蘋月與憐盡中飛閣弄江天夜來忽有橫長  
笛落盡梅花兩岸船

樽酒後錦屏前美人還到續奇緣須臾客去鷗眠穩  
燭穗生花煖一筵

畫閣登臨快一生滿江秋月雨新晴伊來剩得詩千  
首韻水文波八眼明

如此夜更闌情好將鷗鷺續前盟世間榮辱都忘了  
共伴漁翁任醉醒

好事近

天地動芳馨先遣玉梅冰雪紅杏碧桃開次第日逢  
名節人間樂事儘無窮溫綸下金闕國泰年豐和氣  
溢歌聲澄澈

數玉歌

金進吾贈  
之以玉鏡

四目神人蒼皇氏奎星仰察穿纖雲離婁之明天下  
稱晴光細入秋毫分況有天縱生知亞匹練白馬何  
曾聞左氏贊史天入忤春秋立傳頗失真夜光明珠  
崑山玉精彩閃閃能奪神惜哉遙絕不可得鷄林故  
國物產親不向玳瑁渾堪與水晶鄰積歲重磨方成  
鏡着眼眼力不讓少年人況余未老雙瞳暗書帷從



此懶更向故人持贈如明月價且若論千金強蠅頭  
細字轉分明鰲背羣山愈奇壯自今永爲孔氏徒斷  
然不作丘明行氣質從變化爲汝一浩歌明明且照  
吾家路問渠心鑑更如何

### 蘭花歌

前春移我居蘭本在階除馥馥香滿室青青長尺餘  
今年花始發不紅不紫淡淡如瓊房差大椒酒盞脩  
莖強似生芙蓉亭亭三四朵閱月照吾廬兒子爲余  
道願賦蘭花詩嘗聞蘭草之美不聞蘭花之美如斯  
百花之花以一年爲春吾未知蘭花之經營於幾歲



老雲文集卷之四  
三十八  
蓋其經營於根者既久所以繁華而長遠者

甲子除夕

我生甲子年重逢甲子年今送甲子年是過限甲年  
從今問幾年千年又萬年優哉游哉勿限年慎勿重  
逢甲子年



